

ル 5
3048
1



光緒庚辰年重編

定新兩縣續修合志

板藏教善堂

光緒庚辰年重鐫

崑新兩縣續修合志

板藏敦善堂

門ル 6
號 3001
卷 1

門ル 6
號 3301
卷 1

門ル 5
號 3048
卷 1

崑山古崑崙山產玉山海經以爲帝之下都而吳郡東七
十里有馬鞍山產石如玉土人亦呼崑山而縣以是名自
蕭梁建治其地統太倉嘉定以東至於海廣袤若大州人
物山川之秀甲於吳會自宋迄明代有更析至我
朝雍正四年添設新陽爲分縣同城而治疆宇秩然此崑
新合志之所由昉也是書也邑人顧君登纂輯後至道光
乙酉朱君大松修之厥後繼纂闕如蓋五十年於茲矣余
以丙子歲來宰斯邑甫下車卽搜訪邑志知板已燬於劫
火慨故府之無存傷遺文之將佚愀然者久之竊以爲是
書之在今日有不可不修者崑新故聲名文物之邦自粵
匪蔓延二吳城亦爲所踞坐是典籍銷亾老成凋謝若不

昭和
六月
廿八日
印

及今旁搜遠紹後將文獻無徵一也蘓松賦額最重
本朝自康熙來疊次減免載在前志恢復後湘鄉曾文正
公與今合肥李相國又奏奉

恩綸永減浮額崑新與焉若不亟登簡冊其何以昭

聖德之淵深二也此邦風俗尚氣諠散名節順治乙酉之
變死義固不乏傳人今咸豐庚申遭兵燹而慷慨捐軀從
容就難者尤指不勝屈奈何使湮沒不彰三也若夫戶口
之數今昔不同曩者庚申之亂人民流亾者十有八九今
雖休養生息二十年爲按冊稽之計現在本籍以及招徠
農民尚不及從前十分之六莅斯土者宜何如加意焉四
也試院向在崑城今則移建蘇郡昔年遺址鞠爲茂艸過

其墟者每感慨係之舊制城守營兵一百六十七名近以
調練洋槍隊留存十四名麗澤門外教塲亦不聞有訓練
事此又同治乙丑而後於文事武備兩端俱有變易者五
也凡此皆今日續纂之急務爰於丁丑秋會同新邑開局
延邑中文學士或任採訪或司編輯前志之是者仍之誤
者更之遺者補之而續以乙酉至今五十餘年事已卯七
月書成邑紳李君芸圃於鉤元提要之餘復集諸家之罅
漏一一爲之補苴是書克成實攸賴之於某月開鐫某月
工竣復取舊志輯之湖山重秀疆理如新而平陂往復之
理有不禁憮然於懷者爰觀其緣起而爲之序

光緒六年六月知崑山縣事嘉興金吳瀾謹序於鹿城官廨

敘

粵以光緒己卯來宰新陽維時崑新兩縣續志先已奉
憲開局纂修踵事以增畢臻美備承乏不敏莫贊一辭辛
巳之春局將蒞事例得綴語次諸簡端竊謂邑之有志所
以備掌故繫風趨著往迹詔來茲也天道十年而一變後
之視今猶今之視昔試就十年而論邑無改俗無殊歲月
日時無易而至歲功之盈縮時宜之進退邑士大夫之矜
式與夫二三有司之弛張其不能無變者勢所固然也積
年加多理仍是耳新陽析崑山舊治隸以兩縣始於雍正
三年崑新合志修於乾隆十五年崑新兩縣志修於道光
五年序云崑山歷時久遠新陽纔及百年舊事既不可分

新事繁簡不相讐志故不得不合也今續志之修又越六十年矣竊以舊事不可分者故應爾爾新事不相讐者自修志之始觀之祇以財賦訟獄而析崑爲新有所謂繁簡也自分縣之久觀之統以官吏科名而儷新於崑無所謂繁簡也人物秀愿之區茂德雋才彬璘選舉人物名宦藝文等志而官府傳舍亦得後先綴名其間薄言觀者若而指若而目若而色笑若而心稽統此百六十年中得毋繁簡之不相讐者兩縣之仍有分乎故修兩縣志者不復曰合志雖然尤有懼焉先大父嘗宰吳江吳中人士林下嘖嘖不絕口竊於家庭習聞緒論歸太僕古文大家也顧亭林著作雄才也玉峯卓峙人傑地靈分縣已來復有歸顧

其人乎由茲以往卽無歸顧其人乎東南望縣振古如茲少年翹騫老成培養人文競起元氣盎然十年一變之說不降則必升非惟歲功贏縮時務進退然也謂非邑士大夫之任與二三有司之責歟後之視今猶今之視昔志之所爲著往迹而詔來茲也至若纂修續志之緣起及建縣攷据掌故與一切續修事宜崑泊弁言詳叙靡遺因不復贅

光緒七年辛巳孟夏知新陽縣事歷城李福沂誌

輯	道	不	亭	接	吾
已	先	第	林	和	岷
歷	五	科	諸	魏	自
五	年	名	先	恭	前
十	朱	性	哲	簡	明
餘	憩	官	品	朱	廷
年	仙	已	學	孝	國
其	贈	也	節	定	初
間	君	岷	義	歸	名
日	獨	新	冠	太	不
革	任	合	海	僕	踵
興	脩	志	內	願	

長樂縣志

卷首

序文

廢更僕難數又值兵燹採訪爲
轄禾中金公臚青來宰是邑政
成民和百廢具舉復偕新邑集
捐廉續脩延余襄慕脩事詳於
前志者悉仍其舊道光五年後
皆憑採訪以登簡策敬前型也

順窳志也余學蕪識淺一知半
解誠無足取書既成金公屬余
位序以弁簡端爰誌緣歆和此
光緒七年春正月昆人汪莖序



崑新合志自道光五年朱憇仙贈君獨肩修輯五十餘年於茲矣其間人事之變更物力之遷轉今昔不同盛衰亦異而況值咸豐末年兵燹之後散佚不少蒐討更難然而蓄道德而能文章代有名士重節孝而著義烈甚於曩時而且試士則貢院移減賦則國恩厚以至學額之加廣衙署之復興祠廟倉廩之重建不有以詳記之後之人於何考證此合志之續修為不可緩也惟是克復以來邑無殷實之戶可以獨任其費募捐集費正非易事是以議修而不果者累年禾中金臚青大令來宰鹿城實缺年分既久慨然有志會同新邑侯詳請大憲籌款開局遴選邑中紳士互相諮議或司采訪或工

崑新合志自道光五年朱憇仙贈君獨肩修輯五十餘年於茲矣其間人事之變更物力之遷轉今昔不同盛衰亦異而況值咸豐末年兵燹之後散佚不少蒐討更難然而蓄道德而能文章代有名士重節孝而著義烈甚於曩時而且試士則貢院移減賦則國恩厚以至學額之加廣衙署之復興祠廟倉廩之重建不有以詳記之後之人於何考證此合志之續修為不可緩也惟是克復以來邑無殷實之戶可以獨任其費募捐集費正非易事是以議修而不果者累年禾中金臚青大令來宰鹿城實缺年分既久慨然有志會同新邑侯詳請大憲籌款開局遴選邑中紳士互相諮議或司采訪或工

撰述或勤校刊有前志所有而與續本重複者刪之有前志所無而待續本表章者增之類則依舊簡則重新於是道光五年以前之志再刊以永其傳道光五年以後之志增入以防其軼自光緒三年九月開局至五年七月藁成可謂敏矣是編賴邑侯之倡率同事之情勤俾兩邑之人知所考證以垂久遠洵不朽之盛事也抑所願更有進焉我邑自前明迄

國初名人踵接若震川先生之文章淵懿亭林先生之學問博通莊渠先生柏廬先生之性理深邃卽至科甲之盛有所謂同胞三鼎甲一衙十進士者皆他縣所未逮焉鞍山猶是也古今人豈真不相及耶我鄉後生誠能及時勵志振末俗之頹靡企前哲之風流以求復乎昔時之盛是則修志者之深心也夫

光緒六年夏五月邑人朱成熙序

崑新兩縣續修合志凡例
大統六年夏五月八日奉
賜書
志錄末命之賤...

崑新兩縣續修合志凡例

崑新兩邑地雖叢爾疊蒙

聖駕南巡莅止渥荷

奎章寵錫耆臣謹編年系月冠列卷首紀

臨幸以隆

盛典也紀

宸翰以重

恩榮也

兩邑合志自乾隆己巳纂輯至道光乙酉修之本董
志彙及明代以前諸志搜羅採輯詳審極矣迄今又
歷五十餘年遺聞軼事兵燹後無文獻可徵致多隱

而莫顯茲雖極力蒐羅僅就見聞所及參酌損益而體例仍從其舊

邑自雍正三年新陽析治後兩邑山水戶口田賦公署坊巷鄉保壇廟寺觀暨橋梁津渡原志已標明分隸合治至古蹟第宅園亭冢墓則但詳其地人物則雍正後分見選舉表外惟忠節則分詳隸籍其餘各類傳中不詳居址見兩邑人才無分畛域也獨列女類採輯頗繁事蹟亦多合轍亦依原志分隸兩邑以免混淆卽所以徵實也

志彙體裁與國史同惟史則兼褒貶以垂法戒志則有美無刺善善從長茲校原志遺漏舛錯者證諸前賢記載補其佚正其訛仍有善可徵之意其稍變體裁者如耆壽附原志

恩典後分誌壽民壽婦奉憲檄倣近修郡志之例又以義莊

附祠宇以義夫附孝友補原志所未備

是編後原志年遠自道光乙酉至同治初元中遭兵切職官莅任先後文卷不存一時無從搜討表中致多闕畧俟悉其詳者增纂

邑中營建兵燹後如學校則宮廡及尊經閣一廢至今其餘公署未盡重建城垣亦多坍塌以至兩邑壇廟祠宇寺觀十存二三惟就原志所載仍其舊間有重建併建者敘明各類後已燬督學試院雖蘇郡太

倉分建而邑中自

國朝數百年來兩屬士林聚試之地數典不忘仍以原圖列於卷

舊志記載賦役已臻詳審咸豐兵燹後奉

恩旨減賦兩邑額田科則採錄賦役全書增列各表瞭如指掌至邑中公占祠廟及前代免稅之鄉屬家墓舊志未及詳註茲仍從闕

古蹟園亭兩邑分界後屬在鄰境者前志纂輯已據舊志刪去至橋梁市鎮兩邑分隸其與太倉嘉定青浦昭文接壤之處均於各類註明

志例載著述各目凡應制詩文及竹枝詞類雖有錄

稿概不採入茲就原志補所遺漏增所續採遊寓著述則先後另編以方外附於末

原志乙酉殉難中爲救親死者列孝友茲編歸忠節依曹夢元實錄死孝諸類分註續纂死粵匪難者庚申至癸亥四載中先後死節事實未可淹沒不厭繁詞編年月以次敘入義烈亦然

是編菽文卷帙有六倍於原志惟國朝諸作有已付剞劂續採附後則標明補遺俾翻覽者便於醒目故另編菽文目列卷前

原志載菽文外凡題詠詩歌分註各類之下今略增關係邑中者仍依舊例至金石碑版亦倣原志附見

各類以免卷帙之繁

是編續輯值兵劫後典籍闕如宋元明代各家志固不可得即

國初董正位葉奕苞兩家志彙並未得見全書僅於載入他書及舊刻郡志中校勘引證若淞南甫里真義安亭錦溪菴溪各鎮志亦皆殘帙邑中人物或彙刻詩文或專家纂述間有藏弄家珍秘不宣嘉言懿行恐多湮沒以望後之搜採者纂補

崑新兩縣續修合志目錄

卷首

臨幸

宸翰

卷一

星野

沿革表

疆域

城池

風俗

占候方
言附

卷二

山水

卷三

官署

倉廩公
所附

兵防

卷四

學校 書院義塾附

卷五

水利 圩岸附

卷六

戶口 田賦一 田賦二 賦額減科表附

卷七

田賦三 起運存留鹽課雜稅土貢徭役附

卷八

物產 鄉保 市鎮 牌坊 街巷

卷九

橋梁 渡閘 泉井

卷十

壇廟 祠宇 義莊附

卷十一

寺觀

卷十二

古蹟 第宅園亭上

卷十三

第宅園亭下

卷十四

冢墓上

卷十五

冢墓下

卷十六

職官表

卷十七

選舉一 進士表

卷十八

選舉二 舉人表 右科表

卷十九

選舉三 貢生表 薦辟表

卷二十

選舉四 贈封表 恩蔭表 諸途入仕表

卷二十一

名宦

卷二十二

人物 列傳一

卷二十三

人物 列傳二

卷二十四

人物 列傳三

卷二十五

人物 政績

卷二十六

人物 儒林 卓行

卷二十七

人物 忠節上

卷二十八

人物 忠節下

卷二十九

人物 孝友 義夫

卷三十

人物 文苑一

卷三十一

人物 文苑二

卷三十二

人物 隱逸 耆碩

卷三十三

人物 好義 藝術

卷三十四

人物 遊寓

卷三十五

人物 釋道

卷三十六

列女一 賢淑 義烈上

卷三十七

昆州府志卷之三十七

列女二 義烈下

卷三十八

列女三 完節已旌上

卷三十九

列女四 完節已旌下

卷四十

列女五 完節未旌

卷四十一

列女六 現存候旌 貞孝 才媛

卷四十二

耆壽

卷四十三

藝文一

卷四十四

藝文二

卷四十五

藝文三

卷四十六

藝文四

卷四十七

藝文五

卷四十八

藝文六

卷四十九

著述目上

卷五十

著述目下

卷五十一

祥異紀兵

卷五十二

雜記

卷末

舊序

崑新兩縣續修合志經修銜名

監修

三品銜補用知府崑山縣知縣金吳瀾

運同銜署新陽縣知縣丁廷鸞

同知銜署新陽縣知縣錢寶清

同知銜代理新陽縣知縣趙沛然

運同銜署新陽縣知縣查以觀

同知銜署新陽縣知縣李福沂

署新陽縣訓導張雲鵬

翰林院孔日銜新陽縣訓導糜其相

監修總理收支

內閣中書銜崑山縣教諭王芝年纂修

鹽運使銜前四川永甯道翰林院庶吉士汪堃
五品銜充武英殿協修翰林院編修朱成熙
協纂

候選訓導歲貢生徐家疇

三品封職運同銜選用知縣廩貢生李細

光祿寺署正銜候選訓導廩貢生何顧綯

附貢生張星鑑

採輯分校

候選訓導歲貢生李清藻

舉人由副貢就職直隸州州判黃元炳

候選內閣中書拔貢生張朝望

生員朱鳳梧

採訪

五品銜候選訓導增廣生蔣泰咸

五品銜候選知縣附貢生杜鴻緒

五品銜直隸州州判恩貢生夏瑚

國史館膳錄候選通判拔貢生王景仁

候選訓導增貢生趙之驤

監生潘守拙

恩貢生孫文杓

就職訓導歲貢 生彭龍光

附貢 生朱成勳

揀選知縣舉 人夏建寅

舉 人吳鍾麟

就職訓導歲貢 生李承坊

收掌校刊 員戴其繩

生

舉人由福貢 員米鳳麟

附列捐資

崑山縣知縣金吳瀾 自三年九月起至五年七月止共連閏二十四個月又兩月局飯

捐局費錢九百七十八千文 共銀四百一十

署新陽縣知縣丁廷鸞 共銀一百一十

兼理新陽縣知縣金吳瀾 止十五文

署新陽縣知縣錢寶清 共銀三百六十五文

代理新陽縣知縣趙沛然 共銀一百四十六圓

署新陽縣知縣查以觀 共銀一百一十文

新陽縣知縣李福沂 共銀一百一十文

自三年九月起至五年七月止 共捐局費錢九百七

連閏二十四個月又兩月局飯 十八千文

前四川永甯道汪堃捐刻資錢七百千文

雲南按察使李德莪捐刻資洋二百圓合錢二百二十

二千文

翰林院編修朱成熙捐刻資洋二百十六圓合共錢二

百四十千文

運同銜選用知縣李緇捐刻資洋一百四十九圓合共

錢一百六十五千七百五十五文

四川巴州知州胡書雲捐刻資錢一百千文

兩年總理局費除支用外逐月節省其餘洋五百一十

八十九文合共錢五百七十一千二十九文

以上除兩縣合捐局費按月支用外共捐刻資錢一

千九百九十八千七百八十四文

一支刊刻崑新續修合志五十四卷計錢一千五百二

十五千七百七十七文

一支刷印二百二十六部紙張裝釘共錢三百二十八

千七文內連四紙二十部每部二千四百八十二文

一支續刷一百部共錢一百四十五千文

以上共支錢一千九百九十八千七百八十四文收

支合訖

此次刷印志書除由縣分呈

各憲及兩縣留存並送兩學總分纂採訪捐資諸人

外餘立印簿登記以備各署飭取板存散善堂如有

自備紙工赴堂刷印不取板資此外未經捐資之人
情愿領取者每書一部議繳部半賽連紙工價合錢
二千二十八文俟積成數以便續刷

一 崑新兩縣續修合志圖目
一 崑新兩縣疆域圖
一 崑新縣城圖
一 馬鞍山圖
一 學宮圖
一 崑山縣署舊圖
一 重建新陽縣署圖
一 玉山書院圖
一 重建崑山倉署圖
一 重建崑山積穀倉圖
一 重建新陽倉署圖
一 重建新陽豐備倉圖
一 重建崑山縣丞署圖
一 重建崑山巡檢署圖
一 重建崑山典史署圖
一 重建新陽巡檢署圖
一 重建新陽典史署圖
一 重建崑山城隍廟圖
一 重修新陽城隍廟圖
一 鴛湖寄墅課士舍圖
一 督學試院舊圖

崑新兩縣續修合志圖目

崑新兩縣疆域圖

重建新陽豐備倉圖

崑新縣城圖

重建崑山縣丞署圖

馬鞍山圖

重建崑山巡檢署圖

學宮圖

重建崑山典史署圖

崑山縣署舊圖

重建新陽巡檢署圖

重建新陽縣署圖

重建新陽典史署圖

玉山書院圖

重建崑山城隍廟圖

重建崑山倉署圖

重修新陽城隍廟圖



重建崑山積穀倉圖

鴛湖寄墅課士舍圖


重建新陽倉署圖

督學試院舊圖


崑山新陽縣疆域圖



崑山新陽縣疆域圖



崑山新陽縣城圖






馬鞍山圖




邑人吳元錫寫


卷首圖

玉峯張友龍鐫



學宮圖






新陽縣署圖

新陽縣署圖


崑山縣署圖




崑山縣署圖

崑山縣署圖


崑山倉署
暫作縣署
圖
光緒三年七
月工竣



略定錄繪
邵寶林鐫




崑邑原建積穀倉圖



崑邑原建積穀倉圖


新陽縣漕倉圖





新陽縣漕倉圖

八

新陽縣豐備倉圖




崑巴縣丞署圖




新陽縣志

右浦巡檢署圖




牆照

崑山縣史署圖



牆照作牆監


崑山縣監獄圖



崑山縣監獄圖

崑山縣志卷首


新陽縣巴城巡檢署圖




新陽縣巴城巡檢署圖

崑山縣志卷首


新陽縣監獄圖




新陽縣典史署圖




重建崑山城隍廟圖




新陽縣城隍廟圖



駕湖寄墅課士舍圖



督學試院舊圖



皇新河縣續文公志

卷之四

圖

十四

皇新河縣續文公志

卷之四

三

崑新兩縣續修合志卷首

臨幸

康熙四十四年乙酉三月

聖祖仁皇帝南巡

幸蘇州二十三日丁巳

御舟泊崑山縣西之三里橋南擁翠菴河干有

御製詩并跋

無意虛中得勁節非關強作有疎枝晚風不待春將老寸
晷豈容年少時落照崑山掩玉色遠分秦望繫人思初來
更覺漁家樂援筆題箋日暮詩自蘇州行至昏刻未到崑
山河旁有竹林數畝晚風可佳故駐蹕於此賦得勁節疎



枝帶晚風之句賜禮部侍郎崑山徐秉義傳

旨云詩中第三聯專為爾兄弟而發二十四日戊午

上乘步輦幸馬鞍山之中峰

降輦之文筆峯

御製登文筆峯詩

萬里人煙春雨濃菜花麥秀滋丰茸登高欲識江湖性染

翰留題文筆峯由山陰

躡巉巖而下

幸故尚書徐乾學之遂園

天顏和霽萬姓歡呼下午微雨

上御瓊衫

升輦自東峯之麓迤南時山陽茶肆人滿聞

鑾輿至爭先瞻觀擠擁至折檻人眾咸傾跌衢路

上顧而笑勿罪也諸王大臣冒雨步隨而南

返御舟

賜予告臣徐秉義

御書前詩扇傳

旨幸雲間發叟江經新洋江泛吳淞至干墩浦日已暮遂

駐蹕五鼓啟

鑾幸松江徐秉義恭紀聖恩詩并序康熙四十有四年

鑾輅省視淮甸三吳兩制之民渡江請駕我皇

盛典也於是道出崑山臣恭率幼弟子姪迎臨澗水甚

皇上既登玉阜遂幸荒園徧垂詢問旋臣肩

輿隨至 行在蒙 皇上宣示 奎章再頌 宮扇懸 垂露則籠 挫鍾張含 英咀華則 指攜甫白 託疎篁以 清節觀落 照而憶舊 臣辭深義 海語及 臣家文 以情 涕緣感極 載承元綸 待察知 臣一兄 故刑部 尚書 臣乾 學 賜祭奠 寵命 忽臨 臣陳 皇無地 喜心 在鄧 尉一 在虎 邱 將 臣 仰頌 衰病 經年 命子 臣樹 閣 拔 拜 舟 次 極 並 銜 恩 博 額 臣 履 荷 於 矜 全 歿 後 彌 隆 於 寵 卹 榮 施 不 冒 哀 念 微 勞 生 存 屢 載 之 德 廣 矣 大 矣 孫 奕 世 烏 能 仰 報 謹 率 弟 姪 等 共 枝 並 邀 以 紀 帝 眷 子 孫 得 五 言 二 十 四 韻 禹 蹟 追 前 古 效 衢 歌 九 闕 幸 敦 皇 躬 勤 擣 揭 河 派 導 崑 崙 東 后 陳 詩 龍 旂 出 望 幸 敦 皇 躬 勤 擣 揭 河 派 導 崑 崙 東 后 陳 詩 切 中 吳 孤 岑 碧 玉 痕 爐 煙 浮 彩 鳳 葆 帝 省 崑 崙 東 后 陳 詩 清 波 曲 孤 岑 碧 玉 痕 爐 煙 浮 彩 鳳 葆 帝 省 崑 崙 東 后 陳 詩 清 蹕 微 臣 感 德 言 覲 旌 披 石 磴 日 馭 降 山 園 好 鳥 交 柯 顏 霽 從 容 路 騷 國 香 爭 曙 殊 榮 發 金 粟 冒 秋 繁 暉 移 天 救 籃 輿 穩 恭 隨 豹 尾 尊 御 舟 蒙 錫 資 宮 扇 重 輿 載 寄 目 簞 簞 秀 關 情 故 舊 愜 雲 章 頌 後 命 異 數 郵 諸 陳 根 袖 醕 風 滿 生 成 厚 澤 存 更 承 宸 衷 懷 故 履 法 酒 醕 諸 陳 根 落 山 塘 岸 嵐 迷 鄧 尉 村 更 承 宸 衷 懷 故 履 法 酒 醕 諸 陳 根

光被堂 封曉仁 披宰樹 暄高深 齊海岳 覆載並 乾坤存 歿俱霑 寵捐康 莫報恩 年稱萬 壽額手 到來孫 徐樹閣 恭紀 聖恩詩 并序 臣秉 義暨 臣叔 臣亮 臣采 臣 山後小 園 樹 閣 謹 隨 臣 父 臣 乘 義 暨 臣 叔 臣 亮 臣 采 臣 兄 臣樹 穀 臣樹 閣 謹 隨 臣 父 臣 乘 義 暨 臣 叔 臣 亮 臣 采 臣 掖拜舟 次復 承 問 迴 蹕 登 舟 賜 臣 屏 臣 駿 臣 扈 臣 從 臣 門 蒙 諭 樹 閣 好 生 扶 掖 汝 父 臣 父 子 聞 年 紀 既 卽 命 內 侍 傳 恭 紀 七 言 排 律 十 二 韻 以 志 勿 謾 盛 世 熙 然 萬 物 醕 陽 和 行 慶 在 時 巡 方 春 早 聽 絲 綸 煥 到 處 均 霑 雨 露 新 野 老 含 飴 歌 帝 力 烝 黎 額 手 頌 皇 仁 欣 逢 鳳 行 帳 叟 江 嶼 遂 使 偏 馭 玉 趾 親 文 筆 高 添 秀 麗 鳳 行 帳 叟 江 嶼 遂 使 偏 馭 玉 趾 親 文 筆 高 添 秀 絳 津 膏 雨 霈 時 倍 嶙 峋 山 園 豈 意 停 玉 趾 親 文 筆 高 添 秀 命 將 兕 子 懸 河 濱 蒙 龍 文 捧 出 昭 雲 漢 宮 扇 願 來 重 襲 珍 自 愧 鳳 毛 依 彩 仗 還 瞻 豹 尾 扈 輪 乾 坤 高 厚 真 難 報 願 祝 堯 年 億 萬 春 四 月 十 六 日 蒙 恩 敕 賜 御 書 一 幅 恭 紀 二 律 昇 平 聖 主 尚 斯 文 恩 厚 真 難 開 法 象 分 墨 瀋 流 光 迴 日 月 毫 端 逸 氣 動 煙 雲 宸 藻 天 傳 出 圭 璋 重 中 使 頌 來 鸚 鵡 羣 忝 與 趨 承 銜 寵 錫 溫 綸 期 勒 石 紀 清 芬 鑿 坡 侍 從 盡 鄒 枚 睿 製 淵 涵 萬 彙 臨 幸

皇新兩系廣修志 卷首 臨幸

開 聖澤高深同抃舞

君恩稠疊重徘徊老成

褒美真殊數爵里標題自上 台竊喜追隨羣從後

球圖捧得日邊來自注云前二日先蒙賜臣父恭

謹老成四大字扁額御製駐蹕崑山詩一大幅又蒙

親書賜禮部侍郎崑山徐秉義十

字於後凡扈從諸臣俱稱為特典

康熙四十六年丁亥三月

聖駕復南巡二十日癸酉自蘇州

幸松江道由吳淞

駐蹕崑山縣東南之新洋江老民顧需宏以紅蓮米竹笋

荳莢進獻

上召至舟中

詳問農務播種插蒔耕耘收穫事宜需宏作吳語

奏對畢

上霽顏書長年二字并白金二十兩賜之

謹按朱謹恭紀云邑自建置婁縣以來由漢迄明從未

有宸遊臨幸之典

聖祖仁皇帝以馬鞍一牽毓靈挺秀

特移

玉輅

眺覽山城惟時陸地則雷動雲屯水次則舸環艦繞

巡遊所及香風拂拂聞數里昔人所謂藻野縟川情盤歡

洽洵千載之盛事也

宸翰

康熙十七年 賜翰林院侍讀學士葉方藹

清慎勤 格物 存誠 匾三

康熙十九年 賜都察院左都御史徐元文

清慎勤 傳 旨道 講筵之勞 鳶飛魚躍 試筆 臨董其昌心經 米

芾絕句

康熙二十五年 賜禮部右侍郎徐乾學

博學明辨 匾一

康熙二十九年 賜刑部尚書徐乾學

御臨蘇軾宋玉對楚王問 光燄萬丈匾

康熙三十八年 賜原任廣西道監察御史盛符升 年時

八十

年登大耋匾

康熙三十八年 賜原任山東道監察御史徐樹穀

天光雲影 匾一 朱子詩卷 耕織圖 俱 南巡時 賜凡七種

康熙三十八年 賜國子監典簿徐樹聲

雲光臺 匾 臨董其昌書李白詩 御筆孝經 金剛經

草訣千字文 耕織圖 俱 南巡接 駕時以大學士元 文子 賜雲光臺三大字摹扁懸

虎邱 寺中

康熙三十九年 賜詹事徐秉義

道德仁藝 匾一 擢秀清流 匾一 米芾五言律詩

風來花自舞春入鳥能言 對聯

康熙四十年 賜吏部右侍郎徐秉義

賞愜慮方融理會心自閒 對聯

康熙四十三年 賜工部左侍郎李柟

怪來詩思清人骨門對寒流雪滿山 南巡河次 賜對聯

康熙四十三年 賜內閣學士兼禮部侍郎徐秉義

御書摹勒內府裝潢帖十二冊 予告陛辭 賜

康熙四十四年 賜內閣學士兼禮部侍郎徐秉義

駐蹕崑山詩 見臨幸門 恭謹老成 匾

康熙四十四年 追賜故刑部尚書徐乾學

耿述古學匾

康熙四十七年 賜都察院左都御史李柟

都俞吁咈匾 師儉堂匾

崑新兩縣續修合志卷首終

崑新兩縣續修合志卷一

星野

周官保章氏以星土辨九州星土者星所主之土也

斗牛女主揚州域幅員千里崑新兩邑雖一隅而陰

陽之精本乎地發於天觀象審變為政所先固非徒

占候已也天官書多同異錄其大畧以備省覽云

黃帝分星次斗十一度至婺女七度曰須女又曰星紀於

辰在丑鄭氏曰星紀吳越也

爾雅星紀斗牽牛吳分野劉遠云斗者日月五星所經始

故謂之星紀

史記天官書二十八舍主十二州吳楚之疆候在熒惑占

為鳥衡正義云熒惑鳥衡皆南方之星衡柳星或曰張也

西漢天文志斗江湖牽牛婺女揚州地理志吳地斗也越地牽牛婺女也

漢蔡邕曰牛六度至女二度為星紀吳越分野費直曰斗十度至女五度為星紀吳越分野

晉天文志曰南斗十二度至須女七度為星紀皇甫謐帝王世紀云自斗十一度至女七度吳越分野

唐地理志揚州之域為星紀分石氏星經云斗星七其杓上衡下為權主吳分野

春秋緯文耀鉤云蒙山以東至於南江會稽震澤徐揚州

屬權星

宋天文志云天市垣東西各列十一星其東垣南第六星

主吳越明蘇衡亦以東垣南第六星為吳越

明史天文志斗三度至女一度星紀之次也蘇州屬斗分府志 國朝星紀宮交度西法赤道自箕三度七分至斗

二十四度二十分黃道自箕四度一十七分至牛一度五分蘇郡九縣分野總屬斗六度吳縣長洲元和縣西南隅吳江震澤縣入

斗六度九分起至二十八分長洲元和縣東北隅崑山新陽常熟昭文縣入斗六度二十九分起至六十分

沿革表
崑新於古為婁邑屬於吳春秋時統於越秦并天下置郡縣以吳屬會稽郡仍治吳領縣二十六婁其一

也歷漢晉並以婁名梁時始稱崑山嗣是代有升降
分建 國朝雍正間復析置新陽代遷制異為作沿
革表以年系邑以邑系郡庶易於省覽云

歷代紀年

縣名

領隸州郡

夏 禹定九州吳地為揚州之域商仍之

婁邑 秦以前皆稱邑王同祖志傳曰婁星名地名以地有婁江上應列宿故名

周 敬王六年吳泰伯五世孫周章始封吳子都句吳闔閭元年城姑蘇名其東門曰婁門崑古名婁以此

婁邑 吳

元 元王三年越王句踐二十二年滅吳吳地遂入越

婁邑 越

顯 顯王三十五年楚威王滅越吳地入楚

婁邑 楚

秦 始皇二十六年分天下為三十六郡改邑曰縣

婁邑 楚

漢 高帝六年廢楚王信分其地以淮東等三十六城為荆國封兄子賈為王都吳

婁邑 楚

十一 十一年吳王賈為英布所殺國除復為會稽郡

婁縣 會稽郡

十二 十二年封子濞為王廢郡為吳國

婁縣 吳國

東漢		三國		晉		宋	
景帝前三年吳王濞反國除復為會稽郡	武元封元年仍治吳	新莽建國元改	縣為治長日宰	光武建武十一年	順帝永建四年	以帝為吳郡領縣十三	吳大帝黃武元年領
婁縣	婁縣	婁縣	婁縣	婁縣	婁縣	婁縣	婁縣
會稽郡	揚州會稽郡	揚州會稽郡	揚州會稽郡	揚州會稽郡	揚州會稽郡	揚州會稽郡	揚州會稽郡

齊		梁		陳		隋	
八年仍屬揚州	郡元如故	武義郡分婁地置信義縣	大義郡改婁地置信義縣	太清三年信義郡	簡文帝為州寶元	後主禎明元割	吳郡分置吳州
婁縣	婁縣	信義縣	信義縣	信義縣	信義縣	信義縣	信義縣
揚州吳郡	揚州吳郡	揚州信義郡	揚州信義郡	揚州信義郡	揚州信義郡	揚州信義郡	揚州信義郡

沿革

四

唐

九年以吳郡	隸徐州總管	高祖武德元年	吳郡二年李通	四年杜伏威	降唐改郡為蘇州	公祐據蘇州七年	公祐設四州都督	九年罷都督	督屬潤州	太宗貞觀元年	十道以蘇州隸江南道	縣三本道巡察使	揚州隸本道	都督開元二十一年	元宗開元十五年	分天下為十五道	天寶元年改吳郡為蘇州	郡以蘇州為吳郡	十載太守趙居貞奏割縣	之南境改嘉興海鹽二縣
崑山縣	崑山縣	崑山縣	崑山縣	崑山縣	崑山縣	崑山縣	崑山縣	崑山縣	崑山縣	崑山縣	崑山縣	崑山縣	崑山縣	崑山縣	崑山縣	崑山縣	崑山縣	崑山縣	崑山縣	崑山縣
徐州吳郡	徐州吳郡	蘇州	蘇州	潤州	江南道蘇州	江南道蘇州	江南道蘇州	江南道蘇州	江南道蘇州	江南道蘇州	江南道蘇州	江南道蘇州	江南道蘇州	江南道蘇州	江南道蘇州	江南道蘇州	江南道蘇州	江南道蘇州	江南道蘇州	江南道蘇州

地置華亭縣移崑	山治於馬鞍山前	肅宗至德二載復	改吳郡為蘇州	乾元元年蘇州屬浙西	道節度使上蘇州明年	將張景超據蘇州明年	惠元擊破劉展蘇州平	宗永泰元年改節度為	處置觀察使治蘇州為	大歷十三年改蘇州為	雄州陞崑山縣為緊	西浙為一道	德宗建中元年復分	二道仍名蘇州隸浙	憲宗元和二年陞蘇	為鎮海軍節度使領	武宗會昌四年陞崑	望縣僖宗光啟二年	據蘇州號天成軍三年	約陷蘇州據之昭宗	
崑山縣	崑山縣	崑山縣	崑山縣	崑山縣	崑山縣	崑山縣	崑山縣	崑山縣	崑山縣	崑山縣	崑山縣	崑山縣	崑山縣	崑山縣	崑山縣	崑山縣	崑山縣	崑山縣	崑山縣	崑山縣	崑山縣
江南道蘇州	江南道蘇州	江南道蘇州	江南道蘇州	江南道蘇州	江南道蘇州	江南道蘇州	江南道蘇州	江南道蘇州	江南道蘇州	江南道蘇州	江南道蘇州	江南道蘇州	江南道蘇州	江南道蘇州	江南道蘇州	江南道蘇州	江南道蘇州	江南道蘇州	江南道蘇州	江南道蘇州	江南道蘇州

崑山縣續修志

卷一

沿革

五

元	崑山縣	順帝正平	東遷	延祐	成宗	為江	路總	浙西	世祖	平江	少帝	塘臨	境東	彥楠	寧宗	宗建	年置
隆平府	崑山縣	順帝正平	東遷	延祐	成宗	為江	路總	浙西	世祖	平江	少帝	塘臨	境東	彥楠	寧宗	宗建	年置

隆平府	崑山縣	順帝正平	東遷	延祐	成宗	為江	路總	浙西	世祖	平江	少帝	塘臨	境東	彥楠	寧宗	宗建	年置
隆平府	崑山縣	順帝正平	東遷	延祐	成宗	為江	路總	浙西	世祖	平江	少帝	塘臨	境東	彥楠	寧宗	宗建	年置

沿革

十七年復改平江路移州	崑山州	平江路
治於崑山舊所	崑山州	崑山州
張氏太尉府	崑山州	崑山州
僧孺為崑山知州	崑山州	崑山州
太祖吳元徐達	崑山州	崑山州
太張士誠改平江路	崑山州	崑山州
執府直隸中書省	崑山州	崑山州
州直隸分天為崑山等	崑山州	崑山州
為武隸分天為崑山等	崑山州	崑山州
洪武二年復以崑山等	崑山州	崑山州
州為縣領六仁宗宏治	崑山縣	崑山縣
十年巡撫朱瑄奏割崑	崑山縣	崑山縣
嘉地置太倉州增領州	崑山縣	崑山縣
順治二年隸豫平江	崑山縣	崑山縣
南以直隸為江南	崑山縣	崑山縣
雍正三年分江蘇安徽	崑山縣	崑山縣
省以江南分江蘇安徽	崑山縣	崑山縣
二省蘇州府隸江蘇兩	崑山縣	崑山縣
總督查弼納奏分崑山	崑山縣	崑山縣
西南斜延之東北一百	崑山縣	崑山縣
十四崑置新陽縣與崑	崑山縣	崑山縣
同城分治府領縣九以	崑山縣	崑山縣
定等四縣別隸太倉州	崑山縣	崑山縣

疆域

北畫疆而治所以定民志飭官守也邑自梁陳後千百

年來分割遷徙屢矣國朝雍正中分設新陽所轄

更異昔時因志見在兩邑之境而以南宋及前明舊

境附後古今異勢於此可考鏡焉

崑山縣境

東至夾潮塘三里與新陽縣分界又至蓬閭鎮三十六

里接鎮洋縣界

西至奚公橋三里與新陽縣分界

南至澱山湖接松江府青浦縣界八十里

北至拱辰門外王少橋一里與新陽縣分界

東南至井亭港接松江府青浦縣界五十里又至安亭
鎮嘉定縣界四十五里

西南至陳墓鎮接元和縣界五十里

東北至花家浜三里與新陽縣分界

西北至留暉門釣橋與新陽縣分界

新陽縣境

東至界牌接太倉州界二十里

西至吳涇村接元和縣界二十七里

南至大瀆村與崑山縣分界十里

北至七浦塘石牌接昭文縣界三十里

東南至車塘與崑山縣分界十八里

西南接元和縣界三十六里

東北至雙鳳鎮接太倉州界二十里

西北至唐墅鎮接常熟縣界四十五里

宋時舊境

據南宋凌萬頃
志稱四至入到

縣境東西六十三里南北一百二十里

東至嘉定縣界三十六里

西至長洲縣界二十七里

南至嘉興府華亭縣界八十里

北至常熟縣界五十里

東南到華亭縣界一百里

東北到通州海門縣界五十里以海為界

西南到長洲縣界五十里

西北到長洲縣界六十里

明時舊境

宏治十年割縣之新安惠安湖川三鄉及嘉定常熟之地置太倉州

縣境東西四十五里南北一百二十五里今兩邑境同

東至太倉州界二十里至州治四十里

西至長洲縣界二十七里至縣治七十二里

南至松江府華亭縣界澱山湖八十里至縣治一百五十里

北至常熟縣界七浦塘三十六里至縣治一百一里

東南至松江府上海縣界四十五里至縣治一百九里

東北至太倉州界二十里

西南至長洲縣界五十里

西北至常熟縣界四十五里

至江寧省城水陸路並六百六十里至京師水程四千一百六十二里陸路三千五百三十六里

城池

郡邑之有城垣所以衛倉庫戒不虞也邑故有城自明嘉靖中易土以磚改築完固得保聚無患而隨時修治實守土者所當知也

邑本故婁縣地舊有城在東南三百步

元和郡縣志吳子壽夢所築吳郡志

謂之東城唐光化元年吳越將顧全武攻毀其城通鑑詳見古蹟

元年三月淮南楊行密將秦裴以兵三千人拔崑山鎮

成之九月吳越將顧全武帥萬餘人來攻引水灌之城

壤裴乃降按此則自宋宋時列竹木為柵今迎薰門內

嘉靖五年邑人操江僉都御史周倫疏請築城

元延祐元年移治太倉至正十七年知州費復初復州治

於崑山始築土城周一十二里二百七十六步凡二千

二百九十九丈高一丈八尺濠周二千三百五十九丈

深五尺廣六丈凡六門

明宏治四年知縣楊子器建門樓東曰賓曦西曰留暉南

曰朝陽北曰拱極後改東南曰迎薰西南曰麗澤

嘉靖五年邑人操江僉都御史周倫疏請築城

巡歷江洋閱視夷險查考廢墜詢訪民風方欲効竭

駢展布芹曝廼於六月二十七日荷蒙轉官本院但地

方事宜原奉勅諭者臣不敢不為陛下言之一言臣查得

所屬地方切近江海如應天府江浦縣有縣無城浦子

口五衛城見已塌壞常州府江陰縣土城初築未曾包

砌無錫縣舊有城基大半廢圯靖江縣新設江中未曾

建築蘇州府常熟崑山嘉定雖有城基存無三四松江

府上海縣曠在海濱蘇州府海城方國珍由劉家河隨潮

山港直趨常州竟據蘇州海城方國珍由劉家河隨潮

竊入崑山皆無城池之害也目今承平已久慮患當深

但修築之費官所屬財民當貧困取給官民事應難濟

臣查得已上各府所屬財民當貧困取給官民事應難濟

實僱倩市民各府所屬財民當貧困取給官民事應難濟

委無實用又查得民壯均係定銀十兩一籍虛名

皆費實惠合無勅令各府民壯每縣揀選壯丁及善武

籍者一在官存留操練仍舊給與工食以備警急一半止

府不其有在官放令歸農其舊債與工食以備警急一半止

官估計某縣該修築之費共若干查下民壯銀若干

以一年為率如可敷用不必動支別項銀兩若若干

即於次年為率如可敷用不必動支別項銀兩若若干

置人夫鳩工集料各該巡按御史巡行督察工完之日

造册奏繳如處置得宜剋日成功照例陞賞設使地方

無事之時歸農之意常日止令一時講武以給工食亦

八年知縣郭楠又於東門外置水關上有門樓匾曰天風
海濤自是五門皆有水
關惟朝陽門無

十七年邑人大學士顧鼎臣疏請於朝時巡撫歐陽鐸巡
按陳蕙郡守王儀於沿海州縣次第築城而獨先崑邑
因舊基贊以磚石經始於十八年二月至十九年五月
竣工周一十二里有畸長二千三百八十七丈高二丈
八尺為旱門六水門五雉堞四千五百八十七堞知縣
鮑龍以賓曦門水關之南內外俱有濠城介兩濠之間
海潮悍激土疏善崩白於巡按舒汀廣其址築以灰石
中實以土凡三十有二丈顧鼎臣代工部覆築造城垣
疏營繕清吏司案呈奉本部
送工科抄出應天等處巡撫歐陽鐸題云奉聖旨該
部知道欽此續該巡按御史陳蕙題前因通抄到司案

呈到部臣等看得直隸蘇州府所屬一州七縣實東南
財賦淵藪每歲供億糧米金花銀絹布及課辦料
解等項通計三百八十餘萬府州縣倉庫收貯轉輸
糧動以百十萬計但地方東臨大海西濱震澤北並大
江南通湖泖鹽徒海盜時常竊發勢甚猖獗不無覬
窺伺而崑山一縣尤為屏蔽要地舊有城垣頽廢已久
近年以來節被鹽盜劫居民驚懼雖經節議修築已
緣前此官司任事不力以致因循歲月迄無成功今該
撫按官勘估議處思欲保障地方以爲公私擬經合
會題前來又稱該處人民樂於聽從趨事以爲公擬
下本部移咨撫按官各照原議事將該處用銀兩於該
縣丁田內移查數均派向再原議事將該處用銀兩於該
辦物料雇募丁夫選委賢能官員專一該處用銀兩於該
工多一勞永逸勿得遷延糜費貽累地方責務使歸中
冊奏未盡事宜仍聽撫按官臨時計處垣相應修築者亦
聽議擬酌冊送部查考其他州縣築垣相應修築者亦
及聖旨該部知道急事理未敢擅便謹題請旨保鵬崑山
縣新築磚城記崑山為蘇州屬邑城之有無古莫可考
五代時為盜所據官兵灌城而降則知嘗有土城宋時
圍以木柵則知雖土城亦廢元末海寇猖獗始築土城
禦之吁亦晚矣然則當時有司因循玩愒而不知當務

之急豈能追其責哉矧歷歲既久漸復於隍識者興歎
 侍御陳公憲按節至崑奮欲改築久不壞之規以爲奠國
 歐陽公遠無窮之利既而陳公親履其地指授方畧
 於弗擾今侍御趙公代則保障之心益切而勤懲之
 典益密矣適王公遷按察憲副坐鎮於吳曰此吾職也
 贊畫居多督視官惟謹崑山縣尹鮑君龍兼綜諸務克殫
 厥心太倉州判官王儒郡邑公帑之餘其役無勞諸民
 懈其財無償其直富而樂助者旌其義有罪而矜疑者
 凡聽其賈者自嘉靖已亥二月始事即故遺址而更築
 則萬夫爭先四而表以發壯也於土以前觀矣高石於
 以求固也封碑於表以發壯也於土以前觀矣高石於
 尺長二千三百八十七丈廣其高亦同焉於計用有六
 其水門有五而樓櫓之峻高鑰之嚴亦同焉於計用有六
 金四萬八千餘兩至明年庚子夏月告成焉於計用有六
 底寧內外咸靖如震凌之有併幪反側之措衽席不特
 念類方具瞻而已鮑君乃奉趙公之命請紀歲月某自
 爲一類方具瞻而已鮑君乃奉趙公之命請紀歲月某自
 君類聚大眾用舉分當爲役者也顧不文耳竊惟古之
 斯爲善矣使上之人或廢之則其功不終今諸公併志協
 集前善矣使上之人或廢之則其功不終今諸公併志協

力鼓舞於上州邑羣吏及百執事樂趨於下且陳公啟
 其端趙公釋其緒風聲至而知戒號令新而勤此
 之所以易集而功之所以易終也亦曰休哉雖然築之
 固難保之尤難吏茲與存安堵如故庶不負斯築矣不
 秉節與民守之險雉與存安堵如故庶不負斯築矣不
 然則雖金湯之險雉與存安堵如故庶不負斯築矣不
 諸公所以深望之於後人者咸爲士論所重云
 甫山東歷城人文章行風節咸爲士論所重云

二十八年知縣朱伯辰移建麗澤門樓於水關之東巡按

饒天民名曰潮維沈大楠潮維樓記嘉靖戊申縣大夫
 六事允修四民樂業尤留心於校士越明年己酉大
 學政邑博廣右蔣君仲哲江右劉君天孚全君士龍暨
 諸生梁介等以先建城樓在學宮之右堪輿家謂科日
 有妨乃列呈於憲臺爰啟於朱公曰真多士之盛舉
 哉卽更建於左而樓以潮維名焉蔣君等來徵文以紀
 遠沈子曰是於可紀也乃釋諸人焉文稽諸正氣與地
 吾道之正論以復其請夫吾道之隆替斯道惟正氣與
 存人文同日月並運而學道之隆替斯道惟正氣與
 德而己文章勲業而已吾道之隆替斯道惟正氣與
 在士君子作於前者有璋瓌之望而後人材之繼於後

者有感發之勇倡於上者有振舉之功而後人材之承
於下者有興起之盛議於地者有察以吾崑之材
遂委咎於吾儒以道言也何也崑山學校創始於宋靈
利言而人輩出義臣碩輔如宋文節公創始於宋靈
秀攸鍾人輩出義臣碩輔如宋文節公創始於宋靈
莊不可向矣及我孝宗朝則有文簡毛公澄玉峯朱公
平周文康公顧公鼎臣相繼以狀元及第鄉薦元則有
陸公欽而吾子紹慶亦相繼以狀元及第鄉薦元則有
建勳華未用者時方脫穎亦云盛矣至朱大夫已用者
化育協謀矢一謨相其陰陽更加遷置雖舊址維新位
厥異面厥陽一轉移之問而煥然其改觀焉是諸先哲
既樹立於前而感發乎哉又振舉於上則自今始濟
多士能無與起感發乎哉又振舉於上則自今始濟
以觀聖道之大明候海潮以必將聖道之有本崇仁義
德以為基務文章勤業以爲宇與文節之成也斯諸公
匹美以流澤百世而榮哉若日斯樓之成也斯諸公
垂於不朽豈不與有榮哉若日斯樓之成也斯諸公
宮備觀美息羣議而多士無所感發興起焉則責有攸
在而樓之改與不改非所論矣豈建立者之初意哉
三十三年倭寇初退知縣祝乾壽增築六門月城及敵臺

二十六座窩舖二十五座又於東南北三隅增建敵樓

三所以三隅相去曠遠故增建今廢

萬曆十九年秋霖城圯陳墓人陸燧捐貲繕葺邑令陸應

川特加旌異

崇禎八年知縣葉培恕以城垣缺壞屬邑人太學生周公

續葉德仍修葺完固

顧錫疇記畧邑舊止土城自先
文康公請於朝始創築焉累石
磚規模堅峻城成而島寇內犯
時修葺不逾奉行故事用是日
歲在乙亥篤水葉侯初下車閱
士謀曰西北枕戈東南帶甲邦
治乎是役也非縣官躬督不可
當請鄉之德兼隆者任之難其
卿周君公續伯繩葉君德仍對
二君亦欣然就命盡力經理仍
未期月而樓榭垣堞煥然一新
卿又謂塚墻傳檄易毀非有以
城池

百金伐石數千枚以冠雉堞之上既告成侯上其事於兩臺特加褒異噫侯之知人善任二君之殫誠効能不負侯托卒使金湯永固國家屏翰先文康公舊勳賴以勿墜為烈豈淺鮮哉崇禎丙子春記

國朝順治二年知縣王鑑因兵燹後重加修築

康熙中知縣仇士俊程大復李世德相繼修葺

雍正三年析置新陽自朝陽門西歷麗澤留鞞東至拱辰

門屬崑山縣自朝陽門東歷迎薰賓曦北近拱辰門屬

新陽縣。十年崑山知縣丁銓修

乾隆三年兩縣知縣劉鶴白日嚴請帑修十九年知縣許

治程光瑄請帑修五十四年新陽知縣寧貴修

嘉慶四年新陽知縣錢長清重修

十九年崑山知縣王青蓮重修邑人朱大松捐貲協修

同治初年被兵燹後克復城垣畧加修葺七年崑山知縣

王定安新陽知縣馮渭查看城牆坍塌捐廉百餘千文

修葺

光緒二年崑山知縣金吳瀾署新陽知縣鈕承筵因東西

水旱城門及迎薰麗澤二門城垣坍塌拱辰門水關不

通舟楫賓曦門外上積巨石橫駕木植毀折出入甚危

同捐廉錢二百六十四千九百九十五文修葺完整並

拆卸城上危石

風俗占候 方言附

邑承禮讓之餘古風未替然今昔風尚不同習俗移人賢者不免挽回風俗端在良有司與士大夫而已

爲約舉古今大槩參以占候而以方言附

晉陸機詩云土風清且嘉

宋葉子強縣令題名記云好學而知禮尙孝而先信

凌萬頃志崑山自昔號壯盛吳諸邑之最繁劇者其俗仍秦伯季札之風崇尚禮遜其民務耕織有常業然多奢少儉競節物信鬼神歲節山寺有歲懺爲佛會一日士女駢闐車蓋相屬上元取燈於郡所謂萬眼羅琉璃球之類甲天下鐙影月色照耀里陌舞歌簫鼓連夕不絕二月望景德寺有釋迦涅槃雙林會尤盛自三月且爭往嶽祠拜祈禱賽四月八日尼寺設飯茶供名無礙會是日浮屠浴佛徧走閭里望日山神誕縣迎神設佛

老教以祈歲事并社爲會以送神白山塘至邑前幕次相屬紅翠如畫他州負販而來者肩袂陸續後兩日則觀角觝於山之西八月望西津觀潮縣設酤於問潮館綵旗迎潮觀者如堵十月朔謁墓如寒食不拜朔謂之鬼節俗重冬至親朋饋送交馳於道臘月二十四日祭竈婦女不預二十五日食赤荳粥下至婢僕貓犬皆有之有出外者亦分及名口數粥是日爆竹驅儼田家燃炬名照田蠶歲節祀先用除夜焚蒼朮辟瘟丹家人酌酒分歲夜分祭瘟鬼易桃符向明打灰堆飲屠蘇此一歲風俗之大畧惟歲節冬至縣官率鄉之寓貴士友聚拜於學之明倫堂會茶而散禮儀雍雍長幼有序自樂

菴李公行之至今五六十歲則他邑所無至今令尹項公澤又捐金置官租以充所費云
邊實志士風醇民俗樸士以及訟庭登酒壚為恥民以務孝養勤本業為事

元楊維禎呂敬夫詩序云蘇之邑凡六大率風浮浴淖大家尚氣勢交關貴人視文藝蔑如也獨崑山多才子明季箎志君子尚禮庸庶敦龐故其風俗澄清而道教隆洽或曰人並習戰以五月五日為鬪力之戲各料強弱相敵事類講武今亦無此風矣

葉盛送友序云崑山古稱文獻循及我朝仕者益多若吏部尚書余煥兗州知州盧熊山東參政林鐘沁州知

州呂昭僉事呂旦中書舍人朱吉金鄉訓導前御史范從文孝弟行於家忠誠信人主教化在學者惠澤在生民有不暇舉姑舉其居鄉之畧言之余吏部父以藝稱吏部造謁鄉曲輒致聲曰故余待詔子來拜俗稱鑼工日待詔居憂官府事如不聞惟訪其師殷強齋詩文編錄以傳出入不御車馬盧兗州嘗扁舟徧村落間訪覈府志事蹟見里中長老及衣冠儒者每延之上座曰齒少法當坐下林參政訓導崑庠諸士一寫染之能一韻語之工即揭諸講堂號於人曰是某生之為予不能及也呂沁州父子居鄉如居官非義纖芥不取僉事卒鄉人醵金葬之范先生晚自文學休致歸閉戶著書對客輒求是

正其修譜事朱先生素貧親友有負租抵罪者鬻書以
赴其急嗚呼老成凋謝典型日遠後生晚出未能無媿
於諸先達之風安得不喜談而樂道之

朱文臆見雜錄云崑之先輩多以忠厚相尙禮貌衣冠
皆優於別邑孫秋官蘊章浙江勘事回便道至崑拜其
親舍驛舟而另買一航王方伯民望以給事往占城封
拜歸驛舟擺列儀從必盡去之其謹畏如此

顧潛志士重名檢簿榮利民務耕織漁賈鮮游手游食
之習

黃雲丹巖集崑山昔稱望縣風俗之厚冠七邑以先輩
之事言之秦文仲爲文贈友譽之稍過殷大章盧公武

遂與絕交吏部尙書余茂本見鄉人恒以名自道陝西
廉使王俊伯辭縣大夫宴徑赴鄰翁之招曰縣治具易
鄰貧吾享其誠呂沁州告其子僉事且曰兒如以利自
污雖三牲九鼎吾其吐之如廉溪毛孟飯亦享也安節
龔公代父補黑衣之數旣老歸鄉言及舊君輒悲且泣
葉文莊公公差至蘇買小舟歸謁親友舍車而徒張副
使節之每陞秩必祭其授經師委巷小家屈趾過門致
殷勤至於士大夫稱謂必以字行坐必以齒後輩於前
輩稱先生有工作不役鄉人正統天順間尙然
方鵬志人有恒產不奢不儉○家知讀書人知尙禮君
子以靜退爲樂而惡久淹小民以舍忍爲強而厭終訟

○鄉邨婦女最爲勤苦凡耘耨刈穫桔槔之事與男子共其勞官府有召每男子避去使老嫗當之至於麻縷機織之事男子亦素習焉。親友有疾共禱城隍祠名保狀有喪則發引之日相率祭於道退各享餘不煩喪主其最厚者贈以舟輿傭僕布裘之類故喪禮易成。王同祖志邑之俗大較尚樸而質喜嗇而儉去古不遠其吉凶儀典類多彌文則好華麗者爲之也。○吳音清柔歌則窈窕洞徹沈沈緜緜切於感慕故樂府有子夜歌子夜四時歌白苧歌之類今操南音者亦然非他邑所及。嘉靖中邑人魏良輔精於曲律世所謂崑腔者自良輔始後梁辰魚亦得其傳崑腔之傳偏宇內焉周世昌志士耽文學民勤稼穡禮節之行俱從簡易比

年以來習尚稍異黜素崇華好訟佞佛

國朝董正位志稿崑山之俗先輩皆尚淳樸重名節明季如張給諫棟諸儀部壽賢歸孝廉子慕張烈愍振德蔡忠襄懋德王忠愍燾顧錢塘咸建夏方伯萬亨朱節孝集璜陶文學玟矯矯氣節皆足起頑立懦中更世變士大夫脅息避禍一二廉謹之士或隱居鄉曲不入城市有幸而得全其志者順治辛丑有奏銷一案半歸廢斥大都以名義自處雖登兩榜官禁林者卒安貧處困或出入徒步不自矜炫然里巷狡猾不逞之徒見紳士無所畏避因凌轢之紳士亦俛首焉又風俗之一變也。士尚文學科名之盛自宋衛文節公始至明宏治間五

科三狀元為四方所稱近自己亥至癸丑一狀元三探
花六科四鼎甲亦前此所罕見也邑獨少曾元榜眼然
以邑人而居太倉如陸太常欽吳司成偉業先世本皆邑人
以一人兼之鄉闈掄元則明之沈學憲紹慶嘉靖癸卯順天解元
周進士汝礪隆慶丁卯本省解元李太史允昌萬曆庚子本省解元國朝
又有王編修喆生康熙丁巳順天解元海澄知縣孫登標乾隆乙酉本省解元
解元揀選知縣潘鐘道光壬辰翰林院侍讀學士李德儀
道光癸卯順天第二名南元名皆盛著相傳形家言謂城中玉帶河
不可塞乾隆中屢謀開濬未果道光元年集貴疏鑿以涉訟中止咸豐中始濬學宮外紅
墻不可使民家蔽之西倉小橋不可用石塊而山中所
產巧石尤不可過為開鑿以近事徵之頗驗然邑之科

名雖盛而蓋藏之家百無一二又以為山首瘦削故秀
而多貧邑中士流多商賈少門第多倉庾少仕者詞林
多科道少即四方之賈於崑者亦書筆多錢幣少。葉
氏所藏文莊公時遺柬凡生者弔死者皆稱陽眷生萬
厯間尚然今不復見至男子弔女喪亦槩稱眷某處士
歸莊謂男女無通名禮止當致帖喪主中云奉弔尊慈
太夫人或尊闔某夫人人皆以為有體。以吉凶大禮
言之前朝士大夫家猶行冠禮今不復講矣然考古冠
制正不必以束網子為加冠也三加之禮次用皮弁何
不可倣古而行之乎婚禮之有拜門求允即古之納采
問名也有下定有大行盤即古之納徵納吉也有道日

卽古之請期也將婚則有催妝親迎則向雁而拜皆不
大遠於古惟踏甌跨鞍斬蔗迎龍接寶傳綵席撒帳上
花幡諸儀俱俗禮不經喪家開弔多徧請邑客生喪謂
之陪賓每日張筵犒賜煩費甚多至弔客所具儀物喪
家槩謝不受故率賃之肆中或用空柬以至無行貧生
借弔喪希贈賚俗稱喪鬼皆喪禮之大壞者此在康熙
間則然今
弔客儀物雖不必盡收然無空柬者惟無藉之徒遇富
家開弔溷入諸流再中喧扈婪索務屢其欲雖屢經官
長懲創此風猶未熄也平日祀先惟二至之祭爲古禮若清明十
月朔展墓及中元下元除夕諸祭雖非古法未始非郭
本追遠之遺意云。迎神賽會莫盛於四月十五日相
山神誕日邑中自城隍總管土地諸神皆昇像朝於山
已見前

神廟自半夜始至曉乃罷今則隔宿演習昇夫趨走如

飛至神像傾毀不顧有司申禁弗能止也六七月間有

土地神會自乾隆以來復有城隍神會儀好事者扮演

臺閣故事互相角勝順治年間邑民創爲陰司上納錢

糧之說自夏徂秋各昇鄉都土地神置會首家號徵錢

糧境內每戶輸汗張一束佐以紙帛旣徧昇神像至城

隍廟彙納今惟納皆斂錢爲之名解錢糧會他若東嶽

關帝城隍金總管張仙五路通達司三元帝君龔貞老

官人周孝子等會不可枚舉。邑舊有斯文會又有延

齡會元季合而爲一總名文會朱德潤請諸儒文會啓

古有三讓之遺風曲禮天下之一經時書六行以興德

官司雖具以大典鄉人合講其常儀郁郁乎三代之文

實為有叙濟濟乎一城之眾豈日無人式厚士風請敦
文會蓋聞朝以爵貴鄉以齒先非高年無以達尊非厚
德無以服眾非酒醴無以致敬非具膳無以合權宜就
月初請從眾約尊卑禮讓長幼敘陳有小善則相勉其
行有微過則眾正其失講經論史庶流千載之醇風
酌酒賦詩聊舉一時之盛事願聞禮式用列會儀
明宏治間行之不廢有患室淺不能容者知縣楊子器
撤淫祠建文會館於縣治東使邑人士胥會於此而已
亦與焉其後有非士類亦廁其間者於是清流多不屑
與而會遂廢館亦不可得問矣又有弔古會亦月一舉
分祭諸先賢無後者之墓後更名儒紳會今亦久廢慕
古君子苟能尋舊盟而復古典亦敦俗之誼。邑有同
善會其法始於無錫高攀龍明季邑諸紳耆倣而行之
歲每季一舉人出其贏餘以九為數蓋計日積一則三

月當餘九出銀者多至九兩少至九分出錢者稱是至
會日悉儲之主會散給邑中之貧不能為生者而以其
餘製匾褒獎已故及現在忠孝節烈之家即於會日公
請一老成有望者敷講六諭崇禎十六年夏季知縣萬
日吉主會鄉先生顧天敘主講為最盛萬日吉復諸紳
先生主講書吉小子無知德薄而修涼也大道之志竊
有焉而未逮尚冀諸君子之發蒙訂頑以保有此質也
其敢曰余其有覺具訓於蒙士乎夫是役也非齒有德
者不在此位尚齒則先國老而德足矜式言足聽
聞顧筍翁於是乎而未獲有辭於諸弟子矣其辭之言曰
年衰也辰之初已之未假以二時小子吉捧茶而待諸
弟子次第執觴壺而從其得優游於開諭乎若慮拜跪
之不良則老者不以筋力為禮矣抑是役也固以訓夫
鄉之父老子弟也筍翁端坐其上吉與諸大夫諸孝廉
茂才拱立於左右使我父老子弟斂容而謀曰是儼然
師保之位者固吾鄉齒有德之顧筍翁也夫諸孝廉茂
坐者固吾鄉之大父母與夫諸大夫諸孝廉茂才而執

弟子禮於顧筍翁不衰也而我儕亦不可以不如是也
是所以教讓也所以敬有德也敬讓之道得而國治矣
一舉而二善備諸同志其鼎革後此會旋舉旋廢至康
熙九年邑被水災民大饑於是官紳復舉行同善會饑
民資以活者甚眾自是同善之舉止於助貧邑長則別
於朔望詣明倫堂行講約禮云

滌翁聞見日錄云自康熙初至今六十餘年來吾邑風
會數變其始邑有大事邑令集士大夫於明倫堂考詢
得失定而後行其繼巨室勢重意諭色授令鮮專決之
政又其繼貴介牽引於家奴門客徃徃於一事而分持
兩造之曲直干請不已令甚苦之聊爲委曲調劑以息
爭其後勢焰消熄政有未平諸生得合詞公籲令亦時

時采納所謂通民情聞已過者庶幾焉逮後功令嚴峻
紳士莫敢啟口及時政明倫議事亦成具文政無旁撓
之慮矣然勢之所集蠹敝易生一指障天繁寃莫辨安
得坐照如神之君子永永作民父母乎

崑新原志兩邑在吳中最爲凋敝然其俗美惡猶參半
焉約畧計之俗之美有三一曰急公在昔浮糧未減低
瘠未查民不能不欠上亦不能不蠲欠而獲蠲則欠者
必多自 恩綸疊沛以來倉甫開而米雲集櫃甫設而
銀川至不待追呼輸將恐後誠所謂上好仁下必好義
也其尚有欠者因存摘包納之弊未盡絕也害由狐鼠
一搜剔則廓如矣二曰能忍人重身家故受欺侮能忍

氣人重體面故受飢寒能忍苦能忍則少爭奪命盜兩案所以較少於他邑也其尚有爭者則訟師爲導衙蠹爲招牽鼻羈足非其本心如苗之有莠芟夷焉一望嘉禾矣三日好善佞佛喜捨俗之相因者不必言而扶危濟困尙有同心故同善有會育嬰有堂普義有園積穀有社同善積穀旋廢育嬰亦虛設乾隆中葉設施棺局永安一二三疔義冢嘉慶中創敦善堂道光初建普育堂並詳具各類流民之至止者則賑粥給錢今雖邑鮮富厚而爲善者猶不絕誠有以倡率而鼓舞之將復古不難矣俗之惡亦有三一曰賭昔年亦賭而今更甚他邑亦賭而此更盛遊湖打牌下至蹴毬跌錢無非賭而擲骰壓寶更甚由是富者貧貧者凍餒病狂喪心不死不休

是皆窩賭者勾引藏匿爲禍烈也顧窩賭之家皆有倚恃發覺者十僅一二卽發覺矣而罪止枷責事過之後復蹈前轍欲絕其流者尤當先清其源也二曰禱鄉俗故多淫祀人有疾病鑿藥非所急憑女巫瞽卜之口信鬼神爲災一禱不應必再三小禱未痊必更大費數緡十緡不等典揭莫償至於破家不知正直之神不享非鄉邨尤甚禮淫昏之鬼何能佑人曉諭以破鄉愚之迷設禁以遏師巫之罔亦今日爲治者所當先也道光四年御史李逢辰奏准拆毀五通淫祠並禁師巫惑人邑舊有祠祀五通至是官爲拆毀此風稍息三日蠹胥役定額會典昭然自黜而無業者羣望衙門爲歸職事一名朋充者一二人或五六人人又引其類以自助總名夥計近

九多催糧差役一奉差符乘機嚇詐而良民之膏血立盡在今

日此輩之為害尤烈昔湯文正公斌撫吳嚴禁濫差胥役相率歸農此風倘可再真地方之福也 邑中向以

紡績為女工而婦女亦務農者多蠶桑則無之自同治

六年崑山知縣王定安新陽知縣廖綸倡始捐俸購隙

地栽桑延嫻其事者教以樹桑養蠶煮繭調絲之法今

則漸次風行亦阜民財厚風俗之一善政也

原志董志稿十二月土俗併載占候今從其例正月元旦啟門放爆竹三聲

懸祖先像具香燭茶果男女肅衣冠以次展拜供奉先像或四

五日或半月不等此外冬至懸先像二日聚族姓展拜舊惟邑中王氏行之兵燹後此禮不復得見矣旋

拜尊長出謁宗親疏遠親朋則留名紙於門內道途遇

所知識必長揖乾隆初新正賀歲用全東有稱呼後易單帖無稱呼一家父子祖孫全列名取

通用而失其舊矣至道光中以方寸紅箋但書姓名無拜賀二字名曰京片禁掃地乞火汲

水及用鍼翦方志是日或次日東薪於長竿為高炬視火色赤白以驗水旱爭取餘燼置牀頭謂

宜蠶故名照田蠶或在臘月二十五日為之初三日是

赴城隍廟燒香元旦賀歲未徧者亦以是日相拜謁是

日宜陰諺云歲朝烏六禿農人觀風雲驗水旱風自東南來則

歲大稔東風次之東北又次之西則又以瓶盛水日準

歉西北有紅黃雲則稔白黑則歉

其輕重以卜水旱自元日至十二日當一歲之月重則

其月多水輕則旱立春宜晴暖春寒多雨水春暖百花香是日紳士

亦賀節餘則否其前一日崑邑令迎春於東南門外在

化新邑令迎春於東門外在候潮館舊時丐頭於迎

歲臨門一年不安之說要挾無已康熙初知縣董正位

嚴禁諭令先送太歲於城隍廟然後迎春民賴以安

初五日祀五路神俗稱燒利市始開市舊時開店有於初三

肆滿街矣初八穀日俗呼上八夜看參星俗名七感星卜旱

澇其星在月東則水在月西則旱惟在月西北角則大

熟諺云上八不見參星下八不見紅燈初九日為天誕清真觀道侶設醮

俗名是日忌雨十四日取糯穀爆釜中成花名孛婁又

名卜流謂卜流年休咎也十五日上元節街市設布幔懸綵繒

夜則張燈金鼓達旦曰開元宵嘉道以後此風已息惟

城隍廟中張樂設譙歛神神前張一大鏡男女雜還謂

之看鏡八月十五日中元節亦然大比之年則否謂城

隍神入闈故也原志鏡製各殊或繒綃或魚魴或羊角或麥幹或素紙作書畫其最多者以紙

肖神仙像繫竹竿兒童燃燭執之謂之老子鏡今街市

所懸鏡製大約視昔相彷彿惟增用玻璃鏡耳至兒童馳

逐之紙鏡近數十年來率僱幼童扮演戲齣踵事增華

糜費無己謂之馬鏡然物力艱難鏡事不必歲舉舉亦

不必在元宵正月也家家祀竈謂之接竈或迎紫姑神或稱飯問吉凶

婦女或走三橋俗稱走三橋各鄉鎮社廟或設橋鏡塔

鏡方志十五日衆集巴城寺占歲豐凶鄉間各家持柴把然火於所種田

中周歷遍照兒童跳躍喧鬧間施爆竹聲謂之照田蠶

意取田中少蟲豸非謂宜蠶也○二月二日踏青食饊

名門腰饊初八日俗傳張大帝誕多風雨逢辰日有迎客風

送客雨之說西南風則農有秋十二日為花朝各花卉

粘紅紙曰賞紅天氣晴則百果百穀無損諺云有利無利只看三個

十二蓋兼正二月三月言也○三月亦喜晴暖麥乃有秋三月溝底白莎草變成麥

三日鄉邨昇神朝元帝曰野菜會兒女皆簪野菜花野

菜花抹竈可免蟲蟻聽蛙聲占水旱午前鳴高田熟是日晴三青

賤俗云雨打石頭清明前一日為寒食新喪未逾年者

設箸葉粽又名及青糰子搗嫩草汁以祭新葬者亦然

插麥葉於門戶男女胥佩戴之清明插柳亦是日至

清明節中各攜酒菓冥鏹并翦紙作長縷名掛錢往祭

先隴曰掃墓春秋子姓入祠墓向先人一揖退下凡幼

坐俟祭禮畢再向先人辭歸一揖道光初邑中故清明

家皆然今則向先人兩揖外幼者向長者揖鮮矣

日雨宜田諺云雨打墓頭十五日北鄉新塘賽會鄉民

神進嶽帝香帛二十七二十八兩日南風主旱諺云念七念八

蠅蚌蜆哭哀哀二十八日東嶽神誕各鄉賽會石牌趙靈真義

橋各鄉民昇神進香○四月八日為釋迦誕僧尼各具香花燈燭

置銅佛於盆淨水浴之曰浴佛以佛經相授受曰傳經

是日忌夜雨雨則損小麥諺云小麥不怕神和鬼立夏

日設櫻桃梅子麥蠶炒新麥薯嘗饊海蜇等物飲火酒

謂之立夏見三新用大秤稱量身軀以驗輕重十四日

為呂祖誕人家翦葢葉散布街衢馬鞍山前有千人會

老年男婦攜果物相贈不必相識曰結緣今久無此會十五

日相傳馬鞍山神誕城鄉昇神朝賀謂之朝山王見十

六日以晴雨占歲晴則水大雨則旱惟陰雲為佳○五

月五日端陽節堂懸神符畫幀則瓶供蜀葵石榴戶懸

蒲蓬桃枝蒜頭婦女首簪榴花艾虎於髻午飲雄黃酒

遂歎灑墻壁間燒蒼朮白芷辟瘟丹蚊煙以祛毒蟲採

百草可療疾者以紅綠綫約小兒臂男左女右以驗日後肥瘠相餉

以角黍俗名粽子綵符繭子花扇巾等類有龍舟競渡之戲

康熙間城內外有龍舟五六處後已絕響乾隆初從舊

三十七年東南門城橋以擁擠傾陷溺斃二十八人自

此永十三日為關聖帝誕按解州常平里墓碑帝

三日子平生光和戊午五月十是日雨為磨刀雨雨則

疫十五日相傳城隍神誕當是明初頒諸神往賀芒種

後遇王為黃梅又曰黃霉夏至後遇庚出霉考膠仙射

芒種後逢丙為入徽後經又以頭雨主陰霉脚雨主旱打黃霉

頭四十五日無日頭雨打黃霉脚四十五日赤刮刮初交黃霉人家各備缸甕儲

雨水以其甘勝山泉嗜茶者所珍也入夏至為時一作

言農時也時有三頭時七日二時五日三時三月初時

雨為迎時末時雨為送時諺云高田只怕迎時雨低田

低田白弄若中時而雷謂之腰報亦主水諺云中時腰交時

後人皆慎起居禁詛咒戒雜髮多所忌畏是月若逢甲

申乙酉日尤忌雨主大水諺云甲申猶自前半月為霉

雨後半月為時雨遇雷電謂之斷霉二十日為分龍日

分龍後雨不偏及若有分之者二十一日雨主水諺云

俗呼雲升雨又云夏雨隔田晴二十一日雨主水時則富貴家有施蚊

十分龍廿一蠶拔起黃秧種菜豆井泉浮初三落雨連太湖六

帳者○六月初不宜雨井泉浮初三落雨連太湖六

日浴貓太於河云去蟻蝨三伏宜極熱諺云六月不熱

六月裏蓋棉被十小暑日忌雷諺云小暑一聲是日若

二月裏無得米小暑日忌雷雷倒轉做黃霉是日若

東南風及成片白雲起則有船趨風主退水兼主旱蘇

風俗占候

風俗占候

風俗占候

風俗占候

風俗占候

坡詩三時已斷黃梅初四十四二十四日皆祀竈十二

雨萬里初來船趨風是日為彭祖忌諺云吹了東月宜大

日東南風則夏涼南風七七四十九日躺屍風月宜大

諺云六月大瓜○七月七夕婦女搗鳳仙花染指甲捍

糖麩作花及各物樣油煎之以相餽遺日巧果婦女對

月穿鍼日乞巧置蜘蛛小盒中旦視絲多者為得巧立

秋日忌雷聲諺云秋礮立秋後虹見為天收雖稔亦減

分數十五日中元節人各薦亡為盂蘭盆會處暑中喜

雨諺云處暑若還天不晦日俗稱地藏佛誕夜焚燭戶

外日幽明鏡各攜冥鏹至地藏殿焚之以遺亡者俗謂

七夕天河去以河來日久速卜米價貴賤是月月建宜

大俗稱月大則地藏開○八月農家祭土穀神名青苗

眼主來年豌豆稔

社十五日中秋節人家疊重臺熱天香達旦點塔鏹用碎

瓦疊成七級中供地遇天晴遊人爭踏月山前白露日

藏每級燒漚青為鏹雨主歉收諺云處暑雨稻秀時忌風諺云稻秀只怕雨

淋秋分宜在社日前諺云分後社白米像金墩十八日觀

潮於新洋江口玉柱塔下俗稱看潮頭近鄉各昇神像

歌間作亦有要拳打十番者抵暮方散○昔時海潮直

達真義故邑人於潮盛日為此遊自劉家河濬塞不常

潮不時至而斯二十四日為稻槁日忌雨雨則蕘腐是

遊則相沿不廢日皆祀竈○九月九日重陽節以花糕祀竈日重陽糕

集馬鞍山為登高會亦有昇神是日喜晴諺云重陽無

夏至酉逢三伏熱重陽戌遇一冬晴此欽天監楹帖

諺誤戊遇為無雨耳舊志謂重九晴則蕘乾又云九月

十三晴釘○十月朔下元節人皆祀其祖先有祭於墓

靴掛斷繩

者名燒衣節

又名鬼節

是日晴和則冬不甚寒

賈人慮木棉難售

田之家始開倉收租

田主立限分頭限二限三限每限幾日量免米若干以勸急公

十一月小雪日雪則穀賤十七日為彌陀佛誕東南風

主米貴西北風主米賤

諺云吹我面米不賤吹我背米不貴

冬至日士紳

家拜賀尊長如正旦

或懸先像一日

親朋以禮物相餽今不富盡然

貴家有施棉襖者入臘農家舂米蓋藏經歲不蛀謂之

冬春米逢第三戌入臘臘前三番雪為之三白○十二

月朔乞兒作男婦裝稱竈公竈母執竹枝噪於門曰保

平安

俗云跳竈王

至二十四日乃止又有塗面粉鍾馗逐鬼

者除夕乃止蓋即儺之遺意是月宜雪雪則殺蝗蟲子

主來年豐

諺云臘雪是箇被春雪是箇鬼

初八日以百果煮粥名臘八

粥十六日婦女祭廁姑男子不許見二十四日拂拭屋

宇積塵祀竈用餠餅及蒔菇送竈神以箬為轎以扁豆

簾為緯二十五日俗傳諸佛下降

詳見前

除夕各祀分所

應祀神祇及祖先易桃符春帖封井插冬青柏枝芝蔴

其於簷端以石灰水畫米囤或戟矢於地以祈年禳災

以石灰盛布囊印戶外曰白驢跡門倚長炭名閉門炭

閉門放爆竹三聲闔家圍爐歡坐曰守歲

方言

附

方言之近古者語了曰哉

多見經傳

又曰且

詩經只且狂且

問語曰那

世說公是韓伯休那

不曰弗不慧曰歎

唐韻小歎大癡

麤蠢曰笨

音朋去聲宋書

王徵傳亦有麤笨之語

指人曰其又曰伊

多見經傳

稱我曰儂

湘山野錄錢王

歌永在我漢書霍去病傳舍短兵鏖臯以肩舉物曰撻出史記音乾打擊

甚曰塵蘭下顏注塵者苦擊而殺之種苗曰蒔古註熱

酒日湯去聲韻註缺齒曰齧牛睛切以醯醢物曰鹽禮出

記內則契食曰嚙大啜也兩手取物曰掇見易經蓋物

曰碱亦曰匱出漢書十五日日月半出禮記數人罪過曰數

說又曰撫選左傳弗去懼選汚穢曰惡臭見大學俗勞

苦日擗僕孟子僕僕整理日修妮唐書修妮部位不舒展日縮

胸退後亦日縮胸漢書五行志傭工日客作漢書匡衡

作飯粒日米糝桑感切莊子厚磚日甌甌魏書扈累傳

衆多日多許隋書天下何人物作鬧聲日擊擊國策車

熱不透日温暾楚辭暾將物相類日一樣能漢書不相

合也能取畏懼日寒毛卓卓監晉書夏統傳不人死日

過世晉書秦符登傳如此日是蓋古文承湊錢共飲

曰公醪公音訛剛醪見禮記

異古異他方而義稍通者看日張日望日睽即胥相也古

藏日曠或作固取忍日熬取煎轉日跋取移儲物日坐

下意置物日安取平穩意移物日捅取挪積物日頓取頓布

帛薄者日澆澆亦薄也點茶酒日篩取出物意篩即折紙日

天折也以杓取水日日遙上聲字彙杵指物日那拿去

言那兒戲日蠻鄙俗之意相謔日草草當作吵又日摟

牽惹又日取笑俗音楚笑躲避日叛反相速往日跌門之關

之意日門睡日困取伏意睡聲日惛塗即呼字天明日天亮巧

方言

三

曰搜搜亦曰尖鑽皆取得伶俐曰即溜自誇曰賣弄曰

說嘴亦曰喇天能幹事曰在行亦曰在道事幸相值曰

偶湊數說人過曰羞削亦曰牙鈍騙人曰串局受騙曰

上黨強出尖曰行霸屈抑人曰鬱捺謝人曰聒噪取攪

亦曰打攪幫話曰搭嘴可怪事曰咤異心不定曰鶻突擾意

怠惰曰邈邈取闊富曰從容取寬展意即事可喜曰利

市亦曰造化物完全曰芻圃即渾字事完全曰連牽又

曰結題事決裂曰了哉悔氣曰不色骰亦曰倒運得利

曰賺錢聚小成大曰躉當些微曰粒屑安身處曰窠坐

此處曰該邊彼處曰箇邊在曰來到取不去意日日日

頭取尊月曰月亮取明男人揖曰唱喏聲喏女人拜曰

屈俗作上聲首飾曰頭面取飾托盤曰反供家伙曰家

生階級曰疆礫鋤地曰倒地呼六畜曰眾生數錢五文

曰一花取五藐視物之多曰剝剝集韻剝剝事無礙曰

不反道昏愚曰懵懂謊言曰搗鬼作事不清楚曰膩夾

夾彼此錯悞曰兩雙閃天微明日烏矐矐不料理曰喇

嘛西域名亦作事無據曰沒雕當又曰無影子誚人誇

張曰擺架子又曰擺攤此所以曰呼吸道語意自主意

曰杜田萬峯禪師偈曰七十九年一

異古異他方而義難通者執物曰當去按物曰擎擲物曰

豁又曰丟當入摸物曰摸即摩摩二熱物曰頓物浮曰

杻吞上稠密曰狂妄語曰趙妄語謂喜造言生事癡曰

當是造字音誤為趙

鐸明鄭文康有友十人忌者呼為十鐸怒曰氣上曰浪如言書上臺上則曰書浪臺浪貨

之低曰邱亦曰鄒何人曰囉個何物曰爹個那裏曰囉

裏怎的曰那撈又曰那哼在此曰來裏何說曰那話剛

纔曰姜恐當作將纔狀貌曰意裏糾纏曰纍堆事多牽率曰

兜搭嘲笑曰阿厝厝不潔曰喇搭一番曰一潑幾番曰

頭潑二潑閒遊曰白相穢雜曰拉撒有能曰本事事難

處曰尷尬沮事曰打破句多事曰掀格喇物多曰一拍

喇滴曰滌音之轉

反言者神氣不振曰葳蕤本草木榮盛意舉筋曰按宰牲曰活

名不正者呼姪為孫呼外孫為甥呼曾孫為元孫呼父為

阿伯呼母為阿媽呼神道為佛為菩薩呼醫生為郎中

呼鑷工為待詔呼魚肉為菜蔬呼店夥曰堂官

諱言而變其名者諱散呼傘曰笠笠諱極呼屐曰木套諱

離呼梨曰秋白諱沒呼抹布曰展布諱死呼洗曰淨諱

滯呼筋曰快諱挫呼醋曰秀才

借喻者幫閒曰篋片軟弱曰衣皮瞞人曰掄眼皮闖席曰

吹木屑伺隙加害曰踢痛腿又曰踏沈船武斷曰橫撐

船插入事中日夾篙撐附和曰一窩蜂無用曰水統蟹

釀錢共飲曰扛櫃許物不償曰拔短梯輕易舉事曰撻

木梢狀人狠戾曰橫牙神婦人健爭曰磕鎗頭懊悔曰

惜尸還魂外貌好曰金漆馬桶無知曰黑漆皮鐙籠

翻語為字者團為奪樂孔為窟寵盤為跋樂精為卽零邨

爲秋根

譏人却俗也

呼爲暗塗壠爲烏貢

音存古而異於他方者兒音同倪又音同亦死音同洗大音同惰作音同做兄音同况鬼音同舉歸龜音同居爭音側羊反他如烹庚更彭朋盲撐錚聲生甥笙牲行橫羹耕坑鶯櫻鸚橙等並作陽韻梗養韻之硬梗盛並作漾韻石白百宅尺赤拆格客射額擇擲迫拍陌麥嚇隻畫積責等並作藥韻開口呼

音異他方而非古者如水爲暑稅爲世授爲胄詔爲召江爲岡葵爲蘧人爲迎賒爲沙遮爲詐平聲蛇爲茶傷爲喪忘爲忙嘗爲藏王爲降降爲杭壬爲迎耳爲你二爲臙取爲楚貴爲句孝爲好去聲讓爲釀唱爲倉去聲肉

爲惡覺爲閣日爲躡月爲額熱爲業物爲末鐵犁爲鐵賴亦作鐵搭枇杷爲弼杷莊爲臧瘧爲愕吹爲癡

字音口誦不正者之支並作茲詩作思章爲妝文爲焚紙爲子是爲士旨爲梓卓琢並爲竹剝爲卜萬爲飯晚爲凡徐爲齊無爲符武爲拊爲胡何呂爲李問爲忿爰爲碗賞爲爽

外此如微惟未諸之類尚不可枚舉

音異而字亦訛者圍爲圩都爲保鄙爲畱愈爲越太爲忒晃爲翫劔爲及一帶爲一答惱鴉爲老鴉

惱鴉與喜鴉對悞作老鴉

崑新兩縣續修合志卷一終

崑新兩縣續修合志卷二

山

縣以山名然崑山在今華亭縣境縣中之山名馬鞍
產玲瓏石如玉故又名玉峯自唐以來題咏甚多今
遵原志詳載馬鞍之勝而墩阜之散在郊坰者雖廢
亦附入所以存古也

馬鞍山在城內西北隅屬崑山縣天玉字圩形如馬鞍故名廣袤三

里高七十丈劉澄之揚州記婁縣有馬鞍山天將雨輒
有雲來映此山山亦出雲應之乃大雨縣境接連湖海
而孤峯特秀四望皆百里無所蔽其陽舊有慧聚寺山
上下前後皆擇勝為僧舍雲窗霧閣間見層出吳人謂

真山似假山大畧見宋蓋嶼山圖記及唐孟郊張祜詩
宋皇祐中王安石以舒倅被旨來相水利夜秉炬登山
閱張孟詩和之遂為山中四絕登臨勝處為古上方次
則月華閣妙峯菴又有彌勒翠微連雲凌峯垂雲凝雲
西隱諸閣芝華豐年風月凌虛諸亭夕秀壓雲翠屏留
雲翠篔簹軒宋淳熙中月華上方相繼燬餘亦焚廢山
巔為華藏寺有凌霄塔東為東巖偃松岡擘雲峯文筆
峯朝陽洞芙蓉嶺抱玉洞西為紫雲巖夕陽巖一綫天
長陽洞棲霞洞彌勒巖老人峯疊浪石羣豕石天開神
谷山之陽為桃源洞陰為鳳凰石並詳見後
唐孟郊馬
鞍山上方
昨日到上方片霞封石牀錫杖莓苔青袈裟松柏香晴
磬無短韻晝燈含永光有時乞鶴歸還訪逍遙場張祜

馬鞍山慧聚寺寶殿依山險凌虛勢欲吞畫簾齊木末
香砌壓雲根遠景窗中岫孤煙竹裏村憑高聊一望歸
思隔吳門采王安石和僧蹊蹠青蒼莓苔上秋牀露翰
飢更青風蕩遠亦香掃石出古色洗松納空光久遊不
忍還迫冠蓋場峯嶺互出沒江湖相吞吐園林浮海
角臺殿擁山根百里見魚艇萬家藏水村地偏來客少
幽興祇桑門陳省華登玉峯四望平川獨一峯峰前瀟
灑是蓮宮松聲竹韻千年冷色山光萬古同客到每
憐樓閣異僧言因見鬼神功縣民遙喜行春至鼓腹聞
歌夕照中范周崑山絕頂萬疊青鴛鴦巨崑四垂空濶
水天分夜光晴帶三江月春色陰藏百里雲桂子鶴驚
空半落天香僧出定中間不將此境評張孟三百年來
屬老文元楊維禎和張孟翠微臨上方坐我石榻床藥
草雪竇雪松花香積香風去火石靜月出龍樹光題詩
孟王後千載屬空塲殿閣層霄起滄溟萬象吞地肺浮
落景天柱屹孤根樵響杪羅樹人家蟹稻村老余投杖
晁深隱約晨門明高啟和張孟鳴鐘警迷方枯僧兀跌
床石姿生寒稜松子落古香殿鎖山雨氣樓迎海瞰光
遙望蒼蒼城愁見車馬場煙斂城初出潮來野欲吞危
樵緣磴角倦納憩松根利表藏林寺鐘聞隔岸村畫龍
飛去久空掩殿堂門孫實片玉峯高翠欲流更窮絕頂
望神州天開西北風雲合地坼東南日月浮灌木水村

真山似假山圖記及唐孟郊張祜詩
卷二
山

烏亂下長林樓觀鳳會遊於今風物非疇昔萬井煙花
 碧海頭徐賁故舊相違西復東登臨偶得此時同鐘聲
 響落松陰外帆影來從海氣中山鬼洞寒銷切火石僧
 龕古閉香風可憐節屆重陽近斜日秋明萬葉紅夏原
 吉崑阜遙看一小拳登臨渾欲接青天神鍾二陸人材
 秀勢壓三吳地偏巖溜下通僧舍井林霏近雜市塵
 煙幾時重著遊山展來訪當年種玉仙吳寬崑岡玉石
 未俱焚古樹危藤帶白雲小洞煙霞藏木客下方簫鼓
 賽山君千家居屋黃茅蓋百里行人白路分更上方雙
 最高處滄溟東去渺斜曛吳瑞登馬鞍山同楊大尹名
 父面面芙蓉雪後開陽和先在蓬萊松含古色陪僧
 老梅帶寒香待客來白壁昔人留翰墨碧雲今日見樓
 臺吾儕雅重登高賦敏捷誰如茂宰才王璵登粉堞藏
 青巘相攜勝侶行雷焚寺裏塔潮打石邊城地想金會
 布山將玉得名故鄉無百里已有白雲生王伯稠蕭條
 病骨廢登山此日秋空忽再攀萬壑晴雲箕踞得一天
 清籟嘯歌還白窺仰秋色蒼茫外青指吳松落照間不
 雄心千古在野夫休笑鬢毛斑沈宏慶九日登馬鞍山
 次王司訓體升韻秋高巒影正澄鮮扶醉登臨一粲然
 清照江流明野外翠分巒影落尊前黃花露冷香全吐
 白雁風寒字半連今日便成遊覽勝不須重憶永和天
 窈窕東山步履遲山中何處不宜詩斷碑荒蕪劉生墓

古木清風揚令祠虛谷應聲人笑處空林墮影鶴歸時
 醉來無限遊仙意賸有煙霞入夢思國朝葉方藹春
 山峯影誤歸樵谷口雲封暮復朝展齒數過苔徑潤枝
 頭頻解酒杯饒花繁細語流鶯倦風軟輕翰乳燕嬌回
 首飛塵畫圖眼紅妝結東多過寺綠樹人家盡繞山心
 開邱壑畫圖眼紅妝結東多過寺綠樹人家盡繞山心
 寄高雲應獨放身輕絕頂高樓逼絳宸下方百里望中
 有煙花未肯慳絕頂高樓逼絳宸下方百里望中親干
 門煙火疑寒食廿載山城少醉人西第賓朋留宿恨北
 却冠蓋起新塵憑君試問流光迅昨日鶯聲今已陳蘇
 將殘墨記山河懸壁青苔手自磨謝傳庭前碁跡少羊
 公碑畔淚痕多休嫌野性逢時拙幸免山靈向客詞獨
 立蒼茫雲霧滿數國朝道光中海鹽人富開益精形
 聲樵笛起悲歌
 家術謂馬鞍形向北廟宇寺觀皆南向實山之背今崑
 山東太倉塘農夫鋤田往往拾得崑石又知山勢東走
 言似近理至山之來脈當從太湖東西山迤邐折向西
 北而來自咸豐末被寇蹂踐山頂至麓若百里樓文昌

宮曩華亭關壯繆岳武穆等廟宇一切寺觀皆拆毀樹

木亦盡伐去竟成童山無一存者同治九年巴州廖綸

知新陽縣事巡行至山憫其濯濯環山植松柏三百餘

株旋被江北流民戕伐為薪光緒六年崑山知縣金吳

瀾復植松柏桐榆梅桃共計二百數十株

東巖在山東一名梅花巖形似梅花故名

偃松岡在真武殿東舊有孤松蟠屈其上故名

擘雲峯在偃松岡下宋劉過墓側屏立數仞兩崖分峙

中裂尺許時有雲氣繚繞文筆峯在翠微之東石塔之西宋孝宗時魁星見於此

衛文節公涇遂魁天下今移其名於紫雲巖元郭翼登文筆峯借

得登山靈運屐乾坤眺望嶺岫上方日落樓臺碧積

雨春深草木寒戰馬中原連萬國風檣巨海隔三韓

寥宇宙懷今古墮淚之碑幾度看明顧鼎臣文筆峯歌

玉山翠兀難為容障礙滄海當其衝洪濤噴箭射震澤

湧出萬朵青芙蓉鍾靈孕秀杳莫測中有插天文筆之

高峯高峯峭絕巖之牙吐吞五采棲煙霞天公醉怒潑

雲墨神樓夢曉生天葩蒼崖夜半飛霹靂長空萬里騰

龍蛇東來方丈一拳石西嶽蓮花安足誇揮毫為風

為雨長虹百尺皆如縷金精互質玉作牀壯觀東南

天柱區區海邑不可當巨靈合置中書堂柳公諫爭補

元氣杜老塗抹昭奎光鼓盪河漢浴日月點綴星斗垂

文章明精休氣被大荒收斂萬化歸毫茫陰陽把握神

鬼護卓立萬古直與天無疆

朝陽洞在妙峯塔下俗稱酒藥洞

芙蓉嶺俗稱箬帽嶺在古上方東奇巖層疊或起或伏

遠疑荷蓋近若芙蓉故名

邑丞麻陽劉諧改今名邑人俞允文題石中有嚮師石
像劉諧記崑山周百里皆平沃獨城內一山肆然突起
履佳客來從時循山椒斗折而登飛閣奇峯若巫峽峻
拔腕颯而通巨石婷婷若太行直矗雖無飛瀑湍流然
環城秀水縈帶繞映皆山所吞吸佳勝自不儉也山脊
有洞僧據甚幽徐呼僧而入兀坐洞中謂而業宗無
而執洞為有夫何無有而必有也洞深處空圓通天
長風可沁心肺毛骨翛然氣與虛俱徘徊洞右題曰抱
玉因謂客曰大造融結孰石而孰玉如璞也氏無冒
念則含真其內而塊爾以頑鈍長存趙奚憤於晚桂秦
惡覲乎償城上蔡安庸其刻畫新都何取其碎折哉故
璞鑿而毀隨曾不得與完石伍乃余所謂抱又不在是
忠信篤敬州里蠻貊聖人所能恒抱虛極靜篤性命雙修
將欲抱混元夫神聖則余未能隨余所寓祛塵豁至余
而畢余志

紫雲巖在山西南絕頂舊名大額巖亦名大巖頭峻嶒
突兀踞一山之勝周復俊山志云茲巖翹翹紫翠秀石

千層若刻若累舊稱不典易名紫雲明萬曆四年知縣

申思科移文筆峯石坊於此遂更名文筆峯明沈宏慶

筆峯踏碎松蘿半里雲嘯聲散石羊羣雲開野色高
低見日落湖光遠近分無用白鬚甘老我有才青眼卻
隣君何如識得幽閒趣共對山花酒欲醺王志慶同宋
澄嵐登文筆峯春山翠藹欲虛無伐木相攜信可娛客
帶奇情雄海岱峯標拳石愧菰蘆萬家藏水君應見一
綫捫天我卻輸如此風光如此伴草堂重得繪新圖

夕陽巖在紫雲巖西一名西巖以其西銜落照故名

一綫天在小天台上兩壁兀立自北而南上有罅隙丈

許仰望青冥僅通一線壁上古隸鐫片雲穿石峽一作

飛浪到天門十字苔蘚剝蝕不可細辨為唐陸龜蒙題

龜蒙自前里至此不三十里嘗操扁舟泊山下躡巉巖

攀危峯獨自吟嘯人望之如仙舊志作東坡題句誤

小天台在夕陽巖右兩崖皆絕障前有石如劈舊號劍

門傍有徑如橋舊名小藍橋望南夾道僅容仄步轉東
攀崖附葛鳥道崎嶇可旋至山頂石上獼猴愁三字相
傳麻湯劉諧鑿

長陽洞舊名華陽洞又名斜陽洞邑丞劉諧改今名邑
人俞允文又題石曰劉公洞劉諧長陽洞記劉子居崑
而遠望已乃曳履山徑石竇間崎嶇不輟意閒且適偶
西巖一洞狹徑屈曲而人空潤可尋丈而洞南石空
明下透二百尺俛瞰平地則人跡躡躡然木末纖纖然
城垣委婉一帶可引而廣陌長川煙嵐風日之變幻誠
可掌擊而頤吸也緣石磴出洞口顧峭峯矗立寺壑環
抱空翠秀絕其鄭旦夷光重珥而妬憐其乃季札子游
要離專諸藏器而蓄銳則又旋若起慄其乃季札子游
迂迴下上而亟往遊焉若天下之美盡在是者有客曰
茲望姑蘇依約青霽中迴注巨海蒼蒼茫茫無際可觀
也劉子曰嘻客將劾子以大美耶謂子為無知也抑子
知夫物無極而適於性率於命矣長樂安陽之華麗鈕

山

六

山鷗波之弋射霸業之雄圖騷人其何與然而江波墮
月霜樹啼鳥今幾夜矣而子兀然洞中曾未覺有礁嶼
之競又惡知夫美有大小而自視為不足木葉飛濤浮
空而突出者非海上之岱與員嶠方壺耶至人之所居
自非橐籥五行而得一還虛其孰能形化神飛而出乎
天地之外哉而容惟衰然誇詡祇益妄也而攪予之默
存也夫惟是乾坤垂象而作易者洩冬機夫日曛曠而
東固雲氣為依至西則真精著而夕陽明也而陰也而
陽華則現於庚方西南得朋乃與類行而茲洞實當其
處是宜表為長陽洞時萬歷己卯俞允文贈劉二尹開
馬鞍山諸洞十絕仙吏間從物外遊巖如青瑣石為樓
令人忽憶羊司馬在國高懷繫物外遊巖如青瑣石為樓
名山疑對九華前卻將閭闔排雲手試陟羊腸獨舉鞭
萬里孤臣出漢關封章曾納屨鑿問於今衰職應無闕
羸得閒心寄碧山梁公南望隴雲偏戀闕還開小有天
初種碧桃千樹滿劉侯無意瑣闥眠昔聞黃犬哭途窮
祿食驚心紫禁中公是玉皇香案吏謫居猶近藥珠宮
石淨苔青冷客衣拂雲仙侶洞簫吹此中那得紅塵到
祇許清風明月隨鑿石誰知鍊石功補天心事一孤忠
長安日遠回光在夢落西巖響萬松洞比華陽分外奇
更尋蓬閣壁雲支夕陽欲下鳥飛去應有仙人來奕棋
蒼崖翠壁裏清暉暈浪軒留勝跡稀不是劉侯貪辟穀

乘鳧欲傍帝鄉飛雙屐東山擬謝公雲門隔海路難通桃源浪說秦人事蜀國還歸漢苑鴻

棲霞洞在彌勒巖左側即小天台之北洞方廣二丈許中刊一大佛字復鑿瑞光深處四字窳窳幽邃上下懸絕

彌勒巖在棲霞洞西上有石如斧削開俗稱試劍石南有石龕坐石彌勒像前為疊浪石石上鐫有疊浪字

宋時遠山皆湖大風起驚浪萬疊飛嚙山根山上石勢亦如波浪層疊而起舊志載疊浪軒在山西北者蓋因疊浪石而謾

老人峯舊名判官峯石壁二十餘丈險仄嶙峋危聳山半旁有奇峯特立拱峙西南類老人偃僕狀峯下亂石數百形如豕色蒼黑名羣豕石俗稱野豬峯

天開神谷在老人峯下羣豕石上石竇僅容半身上有篆文曰天開神谷

桃源洞在山陽曇華亭下以太湖石壘成向南通明內為石室循石上下紆回西出沿緣數十丈相傳宋鄭準

創元泰定間陳志學重壘明宏治間戴經重修知縣楊子器記萬歷間陳允升建曇華亭於其上

楊子器桃源洞記崑山在華亭晉陸機與弟雲生其下人比之玉出崑岡故名今崑山古之婁縣有山名馬鞍非崑山也馬鞍秀出平地

崑山巒巖岫吐雲抹煙殆天作神造唐張承吉孟東野題詩上方宋元來樓閣亭館隨風雨幻化惟名載簡冊爾

一日躡磴而登舉武稍西山均平處即翠微閣故址下瞰石洞以太湖石積壘而成向南山立石若窗櫺通明內為石室圓若甕牖幽邃可棲禪衲自上歷石級而下紆曲歷洞腹從西出延袤數十丈俗相傳桃源洞石奇詭為有力者取去洞因不支頽塌蕪廢縣人戴珣於正統壬戌即故址建小殿奉元武神其子經以陰陽訓術

致仕家居命之修治以紹前迹繞洞種桃李春時花開
粉紅縵白掩映蒼崖翠壁間予政暇入山搜奇選勝題
詩刻石上因舊稱桃源名洞天蓋擬諸名山洞天云經
請子為記留洞中予以憂去崑山不果為今移六霜馬
鞍山色常若接眼界茲來常熟去崑山伊邇
追記其事命經刻之宏治十一年冬十一月

鳳凰石在山陰半均天骨峻嶒作勢軒翥以形似名郭元

翼鳳凰石次楊廉夫韻大星墜為鳳疊浪耀靈景獨立
白玉岡如在赤霄頂磴確丹穴開磅礪翠螭並渾渾玉
在璞庚庚金出礦寧支織女機孰作補天餅負
力擁腫或病瘦蜀圖雄入陣周象重九鼎鯨駭昆明池
蓮表太舉井來儀欲巢閣覽德久延頸架海功莫神沈
郢恐未醒山花雜五色祥雲覆干頃金鷓徒為瑞雨燕
漫飛影鐵崖鐵作心吐句何奇警寄語山中詩法當
造請明王伯稠鳳凰石歌天外有鳳凰獨立徘徊渴
飲沈瀼漿飢食豈肯九苞五色彩霞翻一朝披日還飛
那得見百鳥安敢猜九苞五色彩霞翻一朝披日還飛
來玉峯之山小山耳豈有竹實堪飽梧桐棲肉眼大笑
等凡鳥化為巨石何崔巍千秋睥睨白雲表清臆長嘯
如鳴哀君不見石根鬼火青燐夜枯樹老鴉啼啞啞張
鑾鳳羽何年墮蒼然片石平似將丹穴土攜向玉巖生

苔蘚千秋蝕烏鳶百道驚
長風動松磬猶作紫簫聲
步玉峯在山南正面石闕東向上題步玉峯三字今廢

雲根石在步玉峯內石路右石闕之內雙榆插天數百
年物石倚榆根篆筆奇古

不著年月
書鑿姓名
隔凡石在石級右入步玉峯西行北上巍石阻路上鑿
正書隔凡二大字亦無年月姓名

卜山在崑山縣治西南一里周百步高一丈一名南山俗
名土山上有卜將軍廟詳祠廟

秦柱山在城南三十里干墩浦西延福寺後高二丈廣畝
許乾隆間添設社倉將山墾去
其半以造倉屋古蹟遂廢寰宇記山南帶海上有

烽火樓基吳時以望海寇吳錄云一名秦望山輿地志
昔秦始皇嘗登此望海故名

季志云秦望為會稽郡名
望祭名也此特傳會耳

趙靈山

盧郡志作趙靈山或作趙陵

在城西南三十里吳淞江南高四

丈五尺上有興福寺

詳寺觀○夏暉士炎登趙靈和方

荒陵雲刺飛花雨寒波渡客星清心看二台野意見孤
僧晤對忘歸去蕭疎葉滿庭○久坐不覺瞑相將下趙
陵村村間犬犬落落隱寒星秉炬呼舟子
留詩與醉僧明朝又城市應憶此幽庭
咸豐同治際
被兵毀里人重建

六鼇山在吳淞江南石浦宋衛涇居此舊名狀元山俗呼

六巧山明宏治間知縣楊子器改今名

楊子器詩我來山之陽雲樹何

蒼蒼探幽步山麓扶筇一徜徉聞昔衛文節讀書茲山
房六鼇一片石日月爭其光秋風振林木野草發幽芳
古人骨雖朽精神宛在望
用易茲山名常留萬古香

千墩在城東南三十六里泖川鄉

按志縣東北三十里地名木瓜其地數十

內有墩九百九十有九至縣東南千墩浦亦有一墩與
此合為千墩因名一說吳淞江自吳門至千墩浦江南

北凡有墩一千明永樂中大理少卿袁復被旨浚千墩

故謂之千墩

浦鄉民便之號少卿墩

葉涇題少卿墩少卿墩上望江
滄瀟時主聖臣良遭際日巨天盤地立丕基偶桓少卿

山朶朶東連渤海水瀾瀾五丁端藉神功力萬姓無愁
墊溺時主聖臣良遭際日巨天盤地立丕基偶桓少卿
墩下水法法決濬重看禹蹟新笠澤西來循古道海門
東去接通津天低極浦鷗鳥晚雨浥芳洲杜若春又聽
滄浪歌孺子解纓好濯屬車塵范能少卿墩上瞰晴沙
沈潦滔滔達海涯國有勳臣勞贊畫民安生業及桑麻
輕風吹浪牙檣動明月浮空白練斜
歸觀九重春正好紅香馥馬入京華

唐墩在城東南三十六里全吳鄉

湯墩在城東南六十里全吳鄉今以村名

石墩在城東南六十里泖川鄉

已上屬崑山縣

東山在城東南新洋江東車塘里能仁寺後高二丈宋范

良遂讀書其上築亭曰墨莊一云范文正公麥莊

媯婦山在城東十八里舊志周四十步高一丈五尺上有女媯廟王同祖云今大泗村有女媯廟山不存

高墟山在信義鎮東北六里相傳高力士葬此故名俗呼黃泥山亦稱太平山宋黃由

綽墩山在城西北十八里朱塘鄉山上下多巨石與虞山之石相似三面透迤而上獨其背矗立三丈餘上有壽

寧菴下為顧德輝金粟堆詳寺觀塚墓○按龔明之中吳紀聞崑山縣西樓里村名

相墩在城西南二十五里朱塘鄉綽堆避光宗諱改墩為堆有黃番綽墓元郭翼詩綽墩樹色青如薺蕩裏張帆曉鏡開烏日風高雲北下白沙潮潤水西來菰蒲打雨鳴還止鷓鴣迎船舞卻迴好入桃源張渥畫祇慙揚馬是仙才

天女墩在城東南十八里惠安鄉洪莊村凌志墩上下皆茅葦惟中間一路若有人行者雖植草不生相傳有天子之女葬於此莫詳世代墩中有金龍舟每風雨夕即聞金鼓聲有一村民夜過其處見所謂龍舟者攫取之僅得一人像長可尺許暨歸即大病復取所攜像置水濱明旦起不見病亦尋愈嘗有強暴者欲發視為毒蜂飛火逐之不果

鳳凰墩在吳淞江南今名姜里墩旁有姜希業墓見塚墓謝應芳

遊姜里墩秋暑賈余勇懷抱方焚如故入江上來風雨與之俱遂令沸羹鼎化為寒露壺幽尋陟崇邱飄飄素霞裾同遊得名繼吟嘯興不孤大樹倚高蓋小酌歡有餘三江五湖上羣峯開畫圖獨憐我鄉土煙塵尚模糊安知艱虞世得此暇日娛一笑百慮忘松風吹笙竽里人揚兆璜賦姜巷八景詩中有鳳墩聳翠指此

尖墩在城東六里惠安鄉今地名長墩村

青墩在城西北十里積善鄉下有望山菴俗名青墩廟見寺觀

廟墩在城西南五里積善鄉廟下隱伏巨石

長墩在城北十五里積善鄉今名長墩

李長墩在城西南十五里方志其土色黃而堅緻里人多取用之今漸平

朱墓墩在城西南十八里下為朱均祥墓見塚墓

兵墟在城東二十里惠安鄉相傳吳王屯兵於此故名俗

訛為丁墟

十八里墩在城西南十八里至和塘旁今平

逃鹿墩在縣東北三十六里惠安鄉今無考案崑惟馬鞍

其他皆邱陵之類名曰墩如尖墩今以名村長墩今以名浜墩皆夷不可考矣

已上屬新陽縣

水

吳號澤國邑境婁江吳淞江為禹貢三江之二皆震

澤下流外此江湖浦蕩並蓄水之大者舊志以兩境

分合巨浸列於前而瀼塘涇港之屬各隸於諸鄉保

其歷代濬治之蹟則別詳水利云

婁江一名下江又名至和塘禹貢三江註首稱婁江朱長

文吳郡圖經續紀云崑山塘自郡城婁門歷崑山縣達

于海婁江也俗呼為劉家港案史記劉敬傳高祖曰婁

字音同字借亦無不可宋元以前俱未有以崑山塘為婁江者長

文始言之故姑蘇志云太湖之水從吳縣鮎魚口北入

運河經郡城婁門歷崑山太倉至天妃宮出海者為婁

江婁門以東百里為至和塘又東八十里曰劉家河皆

婁江也殷奎崑山志云縣治西歲久湮塞居民圍而為

田宋至和中又築隄成塘婁江故道不復見矣明永樂

初尚書夏原吉開夏駕浦濬新洋江使吳淞之水北入

婁江崇禎末劉河湮塞而婁江之水泛濫於吳淞七鴉

口之間為害滋大故治婁江必先濬劉河王煥如水利全書一婁江

圖西自界浦與長洲縣分界其南岸水道曰真義浦黃

濱平樂浦九溇大虞浦小虞浦分二支一東南遠城為

運河一折西北貫城而東為至和塘出東水關至玉虹

橋日胡村東為新洋江口咸子溇金雞河羅莊溇干步

涇兵墟溇南黃泥溇南泥塘又折而東南至張涇口與

太倉州分界其北岸自界浦迤而東曰真義浦西亭子

港東亭子港十五淹西石溇東石溇九里橋河六里店

河大虞浦三里橋河西馬溇東石溇九里橋河六里店

至和塘東入水關西通巴城河斜堰入常熟塘其東自

王虹橋北岸日夾潮塘江梢河駙馬溇金雞河杭塘涇

廟了涇北黃泥涇清水港北泥塘至界浦吳塘誤今訂正

分界○按全書太倉州分界處作界浦吳塘誤今訂正

吳淞江在縣南九里亦禹貢揚州三江之一舊名松江史

記正義云蘇州東南三十里名三江口一江西南上七

十里至太湖曰松江古笠澤江也一江東南上七十里

至白蠟湖曰上江亦曰東江一江東北下三百餘里入

海曰婁江亦曰下江於其上流分處號曰三江口顧夷

吳地記云松江東北行七十里得三江口東北入海為

婁江東南入海為東江并松江為三江口按即今縣南

合流處俗稱三江口松江又名新江宋時嘗置新江驛

非上流之三江口也於華翔村今華翔去吳淞僅百步是其證也蓋東江在

上婁江在下松江居中其分流甚明太湖自吳江縣長

具在卽單鏢所謂開白蜆江使水由青龍江入海者是

也松江由龐山湖出大姚浦東北流三折成三江俗名

上清江中清江下清江入崑山西南分爲勦娘江附志

取直以開新江卽此五里許合流過石浦出安亭江

由江灣入海卽松江特松旁添水以取異於長橋外之

松江耳蓋吳淞在東江婁江之中自西東下最爲徑直

故太湖之水從吳淞入海爲多古之論水利者以爲海

潮一日兩上潮去沙存必上流迅激則入海處水勢雄

壯可以敵之遂有撒長橋以快其流之議蓋自溧陽置

五堰而宣歙之水不入太湖宜興開夾苧干則湖水西

下常州十四斗門徑趨江陰而下揚子江又崇德壩成

而浙中諸山之水來亦紆緩故太湖之水柔軟無力不

能盡滌潮沙江身漸高所以旋開旋塞也古今水勢變

更邾亶單鏢之說已難更泥明永樂初尙書夏原吉導

吳淞以入婁江正苦其海口易塞也今則導吳淞以入

黃浦則海潮不能遽入於江可免淤塞之患矣然必支

分派衍之水盡行開浚則吳淞如古迅駛其百世之利

乎王煥如水利全書吳松江圖屬崑山者西自界浦與

長洲分界迤行而東其南岸水道曰楊家港時來港

安然港西浦同邱浦平陽口鶴浦少里浦洛浦大直浦

張浦諸天浦同邱浦平陽口鶴浦少里浦洛浦大直浦

潭浦西浦干墩浦善浦浦大浜浦蕩里浦華莊浦陳

解浦纂上浦陳巷浦善浦浦大浜浦蕩里浦華莊浦陳

浦與長洲縣分界迤行而東曰簡浦攝浦真義浦尤涇

陸家浜徑村浦大虞浦小虞浦楊柳浦蟻浦大潭何

涇小浜新洋江西洋涇南涇團涇新河港西場梨浜陶

仁浦陳郎浜絡索浜方家浜宋浦天明浦毛老浦龍王廟夏家浦木瓜浦真浦磚街浦金家浜陳巷浜朱明浦雞鳴塘陳天浦赤浦楊浦翔浦黃市浦蕉江瓦浦北解浦至徐公浦與嘉定縣分界

已上二水兩縣合治原志以婁江為兩縣合治吳淞新邑相間處不可枚舉特崑山按吳淞江南北與隸之境則新界多而崑界少均應彙入合治

勦娘江在城西南十五里西通吳淞江東出吳淞江方志老龍引子入海至華翔浦龍子躍而東轉前於母故名然無所據

澱山湖亦名薛澱湖在縣東南八十里北岸屬崑山東由大盈浦北由趙田浦並入干墩浦以達於吳淞江其南岸屬華亭青浦二縣太湖之水自白蜆港經急水港入湖東由攔路港入三泖即古之東江也東西三十六里南北十八里周迴幾二百里若吳淞江湮塞則干墩浦

之北瀉者皆返而南下澱湖之水盡注三泖由黃浦入

海矣宋淳熙間校書郎羅點以崑山華亭二縣姦民占

湖為田立法開治按方輿紀要謂松江自角直浦經流

脈蓋古時水道如此宋衛徑過澱山湖疎星殘月向朦

朧間入煙波一棹風始覺舟移楊柳岸直疑身到水晶

宮鳥鴉天際墨干點白鷺難頭玉一叢欸乃一聲迴首

處青山渾在無中明孫俊有澱山湖入景詩八景者

鰲峯煙寺薛澱風帆雁橫秋月鷗泛晴波漁蓑釣雪農

未春雲楊柳春風兼葭夜雨也國朝張潛之澱湖雜

興二道一束行囊去住輕扁舟搖曳夢難成朝來欹枕

前村過知是誰家打稻聲○湖光瀲灩渺無涯極目前

村帶暮鴉白是蘆花青是柳中央一簇恁人家

陳湖在縣西南七十里自界浦渡頭浦入吳淞江湖中有

三鄉塚上有廟為長崑吳江三縣交界處

趙田湖在縣東南七十里一名范青漾亦曰范家田南連

澱山湖北為干墩浦口 俗名新開河

度城湖在縣東南七十里一名度城潭當澱湖之西北北自石浦道褐浦蕭市浦入吳淞江

雙洋蕩在縣南三十六里上接大慈涇北由注浦入吳淞白蕩在縣南三十六里一名白家田西連雙洋蕩又西接

陳湖南達朱砂港匯為巨浸盛蕩在縣南六十五里西接大直浦東由合浦入趙田湖

朱窠漾在縣南三十里北自東宿西宿二浦會棠梨浦入吳淞江

大石浦在縣東南四十里北承吳淞江南至白米涇接三林港出澱山湖其南為小石浦

道褐浦在大石浦西北承吳淞江南至楊及涇達澱山湖與大石浦俱為七保一帶洩瀉要津

夏駕浦在縣東南二十里北接新洋江南接吳淞江東至太倉州界青魚涇為眾水宣洩要口明永樂二年尚書

夏原吉以吳淞江自夏駕而東沙漲猝不可去乃鑿浦倍廣於昔掣江入浦東北匯於劉家河入海民德之號

尚書浦 明范能詩尚書浦口匯成洪濬導還能繼禹功波影搖空星拱北端聲動地水流東耕鋤已復

修農業灌漑何煩借雨工從此不須憂墊溺謠歌于載仰清風瓦浦在縣東南三十六里有大小二浦與鎮洋嘉定接界

東出雞鳴塘西通翮子浦十一二等保地高河少以此浦為蓄洩 國朝康熙十年知縣董正位開濬

千墩浦在縣南四十里亦名尚書浦明永樂初尚書夏原

吉開擊如矢西連趙田湖北入吳淞江時知縣芮翀協

力濬治有功於民因改入王渡曰郎官渡明偶桓郎官

樹亭亭曾為郎官繫綵船正練瑩連三柳白聯螺晴漾

九峯青風傳漁唱來前渚雪點鷗羣下別汀老我猶存

從此欲浮濱

已上屬崑山境

新洋江在縣南六里唐陸廣微吳地記云崑山縣鄉曰

全吳水曰新陽分縣名實宗古志錢氏時嘗濬治之南

曰橫塘葛家渡紅廟渡洋或作陽新分縣名以此案各

志訛書新洋應改正陽字其南

境與崑山合治

陽城湖在縣西北三十里與包湖傀儡蕩相接其東北即

巴城湖諸湖濶惟此最廣東屬新陽西屬長洲元和西

納常熟縣元和塘尚澤蕩之水南為吳涇真義浦朱昌

浦北為張茜涇上元涇自尤涇雉城涇通大虞浦梁里

浦南入吳淞江明袁華集湖光山色樓賦陽城湖詩海

巨浸二百里勢與江漢同朝宗波濤掀簸日慘澹魚龍

起伏天晦蒙陰淵雨昏火夜燭下有物怪潛幽宮度雉

巴城乃其亞以城名胡耀威武湖陰閣戰觀成功陵遷

虎視中原雄東征諸夷遺蹤我來弔古重太息空亭

谷變天地老按圖何地尋鬱蔥漁郎莫是問津者仙源

落日多悲風虎頭結樓傍湖任窗開几席羅諸峯鳴雞

吠犬境幽負嘉木良田青鬱蔥漁郎莫是問津者仙源

有路人間通時當端陽天氣好故人久別欣相逢玻璃

萬頃乏舟入俯覽一碧磨青銅尊絲鱸膾雪縷碎菱葉

狂吟發逸興白鷗驚起菰蒲中一舸欲逐陶朱公安得

水

水

水

列缺鞭乘龍前驅飛廉後豐隆盡將湖水化霖雨淨洗
甲兵歌歲豐沈周晚歸陽城湖漫興薄暮及東泛眼豁
連宵隱淨碧不可唾百里借秋拭遠樹水光上出沒似
空植疎處方森然山黛一痕塞夕陽掩半面雲浪為風
勒便以湖作紙欲寫手莫一痕塞夕陽掩半面雲浪為風
歷多何暇憶舟子無雅情雙櫓奮歸力

巴城湖在縣西北二十里其地有古巴城巴王墓因以名

湖蔣志巴城湖一名包包湖方志包湖在巴城湖西今包湖已成田西自施澤涇通陽城

湖南自尤涇傀儡蕩出至和塘東自温焦涇出雉城湖

元郭翼巴城秋暮巴城湖頭日欲曛巴王殿下水如雲
漁船歸去打雙槳鷗鳥翻迴飛一羣野曠天開秋歷歷
霜清木落雨紛紛杜陵飄泊
誰知已搔首風塵正憶君

雉城湖在縣西北十八里巴城湖東北周三里上接陽城

湖東北入七浦達於海原志云昔嘗成田明萬曆中知
縣申思科開斗門涇三里此湖
之水始達七鴉浦按董葉志於萬曆六年思科
開濬諸涇浦未及斗門涇或以其工小遺之耶

傀儡湖亦名蕩縣西北二十四里西納陽城諸水與鰻鱺

巴城諸湖相接東北入七浦塘南由黃瀆浦出至和塘

明秦約詩晨起東湖陰放浪隨所之日光出林散霏翳
晃朗澄碧堆玻璃天風忽來權謳發岸岸灣琦浴鷺鴨
中峯疊巘與雲連西墩嘉樹如城匝主人湖上席更移
醉歌小海和竹枝白魚跳波翠蛟舞疑是馬夷張水嬉
微生百年何草草傀儡湖頭幾絕倒逝川一去無還期
長笑不知天地老酒闌橫櫂復揚船菖蒲洲渚花真真
雞皮鶴髮漫從汝
且讀楚騷招獨醒

鰻鱺湖在縣西北十八里西接陽城湖東南為翫月湖俗名

鬱梳潭○按宋明各志止載鰻鱺湖蓋歲
久湖占為田故分二湖實止一鰻鱺湖也

柏冢灋在縣北十八里南自新洋江入吳淞江西自牛尾

涇清水涇櫻桃塘入鰻鱺湖邊志百家灋大泗灋鰻鱺
湖江家灋昔皆深濶早撈
藉以瀦溉今多成圍田所存不過白蕩僅存
其名而百家灋大泗灋之迹併不可考矣

江家灤在縣西北二十里積善鄉二保南連鰻鱷湖北入

七浦塘方志云今已成田前志俱載合志獨逸

小虞浦在縣西南三里南出吳淞江北通至和塘昔時潮

汐往來易於淤塞宋咸淳戊辰郡守黃萬石置閘於嚴

村灣之北今猶有閘頭之名又西南為大虞浦

喬子浦在縣東十八里南通夏界浦北入至和塘喬讀如光上聲

七浦在縣西北三十里一名七浦塘亦曰七鴉浦自常熟

縣界來北通白茆港西通陽城諸湖東南出石橋圩又

東經太倉之直塘沙頭入海謂之七鴉口自宋以來為

常熟崑山間五大浦之一浦旁舊有支渠四十六溉田

萬頃其西有斜堰與常熟分境舊設此以防常熟昆承

諸湖及江海衝決之水明宏治十年工部主事姚文灝

疏七浦亘五十里嘉靖十五年巡撫歐陽必進易堰為

石閘自白茆塞而西北之潮不至堰址僅存無復初制

越河在小西門外 國朝乾隆二十九年巡撫莊有恭開

濬自麗澤門外迤北而東繞北城濠至賓曦門外會於

婁江詳見水利

已上屬新陽縣

崑山境內各鄉保諸水

積善鄉第一保二保

城內東市河 西市河 南市河 北市河四河皆環縣治即玉帶河也

至和塘自大西門起至許墓塘屬崑山自許墓塘口至東門屬新陽許墓塘舊通黃昌涇以

城山塘涇 狀元涇 飾穀浜 在縣治西二百步迤南至東曰後浜又南曰前

外城 戴浦 須浦 秦浦 金城浦 曹家涇 丁澤涇

潘涇 湖涇 景涇 斜涇

全吳鄉第五保六保

四塘 凌志作曲塘 白蓮浦 凌志作河 大直浦 小直浦 浪浦

下張浦 顧仙浦 漁漣浦 甘子浦 界浦 趙

浦 注浦 諸天浦 新漕浦 西宿浦 俗名舊宅港 東宿

浦 齊浦 刹力浦 凌志作涇 凡歸浦 陳墓涇 直上

涇 季星涇 界涇 張泊涇 大慈涇 新涇 潘

昌涇 邵涇 徐涇 張漫涇 管涇 韋塔涇 朱

砂港 合塘港 黃涇港 界浦港 山徑港 戈家

港 凌莊港 桐邱浦

泖川鄉第七保八保

石塘 曲塘 古塘 磧磯塘 橫涇塘 蕭寺浦

大石浦 小石浦 道褐浦 陸虞浦 湓浦 千墩

浦 善浦 牛脊浦 若里浦 王墓涇 白段涇

傍學涇 莊磯涇 楊及涇 一作楊槍 泖涇 黃泥涇 坊

巷涇 寺巷涇 舊誤港 小錢涇 馬墩涇 一名陶墩 王土涇

方盛涇 八千涇 度城涇 張涇 寺涇 廟涇

大漕港 小漕港 平林港 潮山港 一名金山港

武元鄉第九保十保

郭澤塘 棠梨浦 夏駕浦 合浦

永安鄉第十一保十二保十三保

朱景塘 雞鳴塘 行孝塘舊志行作黃 郭澤塘 曹塘

橫塘 黃墅浦 三林浦 顧墓浦 大瓦浦見前 小

瓦浦見前 北解浦舊誤矮 潘孫浦 大須浦 小須浦

陳連浦 白填浦 徐公浦 大顧浦 金甯浦 鴨

善浦 木瓜浦 北陳浦 白鶴浦 武桑浦 眉浦

鄒浦 蔡浦 彭浦 沈浦 蔣浦 姚浦 楊浦

究浦 盧浦 金浦凌志金作全 嚴莊涇 張師涇 木瓜

涇 西泗涇 西六涇 蔡墓涇 中城涇 石了涇

官路涇 新開涇 薛家涇 田樓涇 若墩涇

廟了涇 朱洞涇 馬湖涇 連水涇 泗橋涇 陸

緒涇 安亭涇凌志涇作浦 朱村涇 據莊涇 交段涇

南交段涇 鯽洞涇 流浪涇 廟了涇舊誤妙安 東潘涇

西潘涇 了胤涇 謝湖涇 牛洞涇 韓村涇

塘子涇 莊墓涇 董段涇舊誤薰墓 螺螄涇 朱至涇

潮庭涇 黃了涇 寺涇 乙涇 北涇 談涇 蔡

涇 馬涇 了涇 刁涇 全涇 戈涇 汗涇 鮑

涇 吳涇 陸涇 朱泗港 茱葭浜

惠安鄉第三十保

郭人磐 茹律塘 秧浦 低里浦

新陽境內各鄉保諸水

積善鄉第一保二保

內城木人涇 許墓塘 迎鐘浦 舊通至和 七塔港 金潼港 卽裏

外城東城河 自東南門起迤 至和塘

至和塘 顧墓塘 夾潮塘 漢浦塘 茆沙塘 葑

塘 新塘 四塘 斜塘 婁縣上塘 婁縣下塘

大虞浦 小虞浦 東溢瀆浦 西溢瀆浦 新漕浦

李箕浦 馬仁浦 李祿浦 舊誤索祿 熊莊浦 老鴉

浦 浪墅浦 潭市浦 朱明浦 莊浦 葛浦 曹

浦 廣浦 馮浦 寒浦 丁了浦 陳段浦 黃昌

涇 龍涇 尤涇 東涇 雙涇 牛尾涇 聰明涇

邵黃涇 黃墓涇 白馬涇 石人涇 吳涇 可

涇 梅星涇 盛涇 清水港 白塔港 斜港 澗

漕港

采塘鄉第三保四保

駙馬塘 雉城塘 聖王塘 古塘 官塘 黃瀆涇

界浦 景浦 梁里浦 蔣浦 薛莊浦 北新瀆

平樂浦 凌志作洛 華翔浦 韓溪浦 石榴浦 東羅浦

西羅浦 淙浦 趙浦 上元涇 顧市涇 師姑涇

鰻鱧涇 施澤涇 黃茜涇 温焦涇 五千涇

三千涇 凌志作二 雉城涇 全吳涇 東吳涇 西吳涇

楊巷涇 尤涇 倉涇 殷涇 張涇 黃蘆涇 羊

了涇 羅莊涇 朱舍涇 大渭涇 大南涇 小南

涇 廟涇 新涇 相涇 橫涇 光涇 蒲港 武
城港 南新瀆 乳母涇 刁涇 華家涇 張巷涇

全吳鄉第五保

渡頭浦

武元鄉第九保十保

茹律塘 行孝塘 凌志行 作王 車塘 白雉浦 大湖浦

小湖浦 墅瀆浦 張鹿浦 凌志鹿 作六 北弓浦 夏侯浦

市浦 大瓜瀆浦 小瓜瀆浦 黃墩浦 天明浦

茅老浦 東茅老浦 宋浦 陶仁浦 小陶仁浦

徐浦 平巷浦 城逆浦 凌志浦 作六 錢涇 邵莊涇 東

全涇 大小橫涇 黃鄒涇 西楊閭涇 小蔣涇

陳從涇 黃泥涇 彭段涇 泥橋涇 木葉涇 凌志 木作

莫廟了涇 新豐涇 馬新涇 陳顏涇 陸巷涇

獨兒涇 汪莊涇 南北殷涇 馬塘涇 菱段涇

顧皋涇 胡浦涇 白西段涇 東陽涇 四段涇

新涇 葑涇 殷涇 趕涇 郭涇 戴涇 趙涇

莊涇 李涇 甲涇 何涇 巷涇 莊家涇 洛議

港 腰港

惠安鄉第三十保

翫子河 見前 金雞河 行孝塘 古塘 新塘 官塘

白苧浦 中趙浦 南北趙浦 郊浦 胡浦 羅莊

涇 中洛涇 徐涇 夏公涇 凌志 作下 張烏涇 菱門涇

凌志 錢涇 杭涇 朱家涇 斜涇 新涇 盛涇

時涇 葑涇 南北湛涇 吳家涇 橫涇 厯塘涇

枯竹涇 廟涇 鳳涇 混泥涇 邵涇 燕涇

黃涇 宋家港 鴨腳浜

按凌志朱塘鄉有下里浦今無考惠安鄉所隸各塘
浦宏治中多有分撥太倉者積善鄉之六河塘櫻桃
塘橫塘官塘及湖川鄉諸塘
浦涇港俱全隸太倉西境

崑新兩縣續修合志卷二終

